

民國七年五月初版

中外黑幕叢編

上海鋤奸社發行

戎名反堂



A541 212 0018 49798

婦女界之黑幕

●淫婦殺夫棄屍之駭聞

崇明人趙才元現年三十六歲前在虹口為垃圾頭目於去年秋間
 携妻施氏(二十八歲)並二歲之子遷居浦東陸家渡地方販賣水菓詎氏旋
 與搖船人汪某王某等暗結情人夫妻時常反目去年臘月十三夜施氏密約
 姘夫將親夫趙才元謀斃拋屍該處自來火廠後面義塚古槨中左右鄰人毫
 不知覺迨今年舊曆新正十三日施氏由滬回崇明原籍向伊姑偽詢趙才元
 去臘曾否回家度歲致姑大為詫異且以施氏平素淫蕩甚為疑惑當即邀同
 親族將氏再三考問始露真情因將氏嚴行看管一面邀其叔父趙金餘趙金
 壽等於某日下午來滬前往該處古塚中起出趙才元屍首赤身無衣上用草
 蓆包卷察視腎囊鮮血淋漓毫未毀爛亦無臭氣趙等當即着人看守一面赴
 該管楊家渡三區一分駐所報告經許警佐傳諭該圖地保丁妙生定於某日

婦女界之黑幕

上海圖書館藏書

1623038

帶領屍屬赴地方檢察廳報請相驗云

●捉姦之趣聞

▲冲散一對野鴛鴦

▲對房中暗藏春色

吾邑某甲有一妻姿容秀媚艷如桃李時向門前亭亭玉立惹得一般輕薄子終日蹀躞門前如醉如痴癩蝦蟆想吃天鵝肉者實不乏其人然迄無一人能膺面首之選只好過屠門而大嚼雖未得肉心有餘快而已迨物色多時乃見有某乙中選目成眉語遂訂同心暗度陳倉漸漸有願作鴛鴦不羨仙之概詎日昨其夫外出約以晚間方歸婦乃密召某乙至家歡會正值一刻千金之際忽聞某甲叩門聲甚急匆忙中某乙竟披衣拔履竄入對過某丙房中暫避其鋒然而某丙之妻亦少艾也臥榻之傍豈容他人鼾睡（只此一回下不爲例著者戲注）而此咫尺之香閨竟爲遁逃藪矣（若解圍以後不知某乙何以謝某丙之妻）遲之又久門開入房見其妻衣履不整雲鬢斜鬆喝問之婦囁

嚙不能言某甲恍然大悟知已進爵爲元緒公矣不禁忿火中燒向其紛頰上擊以巨靈數掌打得人面桃花兩映紅繼而拳足交加遍體鱗傷而該婦宛轉悲啼不知某乙聞之心中作如何感想也後經某丙邀同鄰右諸人出而作魯仲連將某甲勸出某乙竟得解此重圍亦云幸矣

●馬圈中之姑娘

(大舅子太狠心了)

吉林德惠縣警察一區界長春嶺屯住戶王落大有胞妹年已二十歲自幼經王某爲媒聘給東荒泡子沿韓永發爲妻韓因家貧尙未迎娶日前王擬全家赴江省甘井子開荒韓聞是信即邀原媒至王家商酌留女成親媒言如將舊欠聘禮及一切妝奩備妥即可搬娶韓恐遲則生變即求親告友貸錢三千餘吊以償前欠聘禮及韓同媒携錢至王家交款王將錢如數收下忽揚言不能留人成親韓不允兩造致起口角王竟將媒人與韓綁在馬圈樁上全家夤夜

赴江後經人將韓及媒人解下聞韓已來縣呈控王帶妹潛逃希圖賴婚云

●陳氏女大罵媒婆

(非僧郎君不嫁)

廣州新城清水濠某錫器店陳某有女名喚八妹年華二八貌亦妍麗昨歲陳憑媒肥婆將太八妹許字與同街石獅里吳某爲妻近爲八妹知悉立尋肥婆太將申說謂吳雖誠實惟貌奇醜我寧甘守生寡誓不嫁他並謂婚姻自由父母亦不敢相強今未經我同意竟敢擅爲何物老嫗胆大至此等語後吳氏聞悉向之理論以致大生衝突鬩闔一堂嗣陳願將聘金利市送還雙方亦自願離婚始行了事

●新殺子報

(最毒婦人心)

鎮海北鄉下堰頭地方有盧張氏者素性淫蕩不守婦道與其族叔盧某姘識

有年自去年其夫故後竟招盧某至家同居一對野鴛鴦無殊正式夫妻矣該氏有子名小順年僅十歲日前自塾中歸盧某命其入市沽酒偶將酒瓶墮碎只得空手而歸歸則盧某已待諸門外詢得其情力批小順之額加以責罵小順大號且應之曰汝非我家人白吃我家飯白穿我家衣還要如此兇以後不許汝再到我家來盧某大慚語爲之塞當即訴知該氏並謂如此眼中釘不早除之恐將不利於爾我該氏聞而大怒頓起狠心竟用門閂將小順上下痛擊致被擊傷頭腰兩部遂於次晨畢命親族之中畏其狼戾莫敢過問一時遠近聞之相傳爲新殺子報云

●放白鴿

(損失血汗八十元)

本埠城內獅子弄馬某年逾而立妻死已久因貧不能續絃近以頻年苦儉始積蓄百元之譜因倩人物色人才以備娶作繼室果於前日由媒妁來言有寡

婦徐氏願奉巾櫛但其翁姑索百元爲費嗣雙方議定八十元爲身價交其翁姑徐氏即入馬門翌日黃昏馬率家人並徐氏至勸業場游覽不意徐氏乘觀影戲黑暗之際即溜之大吉迨馬某覺察早已四索無蹤聞馬擬向撮合者交涉然媒人今亦匿不面人矣

●放白鴿

錢商孫某年來多方盤剝已成富翁妻妾數輩都無所出惟大妻曾抱某姓女撫育畧資娛樂故伯道之悲日縈於懷遂異想天開諷令第二妾嚴氏私辦本店店先生胡某以爲盜種之計雙雙約會自春徂冬果於一月前產生一子合家誌慶喜樂可知胡雖疑子爲己出一因不知個中圈套一因不敢聲張湯餅會既過卽約該妾外出詎知竟無回音屢約至再而孫老板則辭退胡先生之條下矣胡兩方印證方明前情亦惟悔恨墮入局中而咒孫某操術之工云

●潘金蓮第二

吉林賓縣屬第五區界枷板站住戶侯引龍者在本區設教私塾原籍山東人年逾五旬於民國五年繼娶霍氏女爲室年甫十八該氏素性淫蕩不守婦道暗與軍人郝某通奸往來甚篤毫無顧忌於民國六年舊十一月中旬該氏與其奸夫暗定毒計在夜半時將侯某繩綁二臂用大棒痛打並以利刃札傷多處遂致殞命該奸夫淫婦即將侯某裝殮發喪以爲無事詎知今歲正月本城鹽稅局司書張遇周赴東荒調察稅務路經該區因與侯某同鄉又係故交特造廬訪謁始知侯某已死月餘張頗爲驚訝當察有破綻遂報該區警察所立將霍氏捕獲卽開棺檢驗將各種傷痕檢驗明白將該氏併其父母胞妹等齊送縣署訊究惟該奸夫郝某尙未被獲云

●貌醜嚇走新郎

上海哈同路民厚里黃某係浙江嘉善人向在某銀行服務有子女各一子在南京某錢莊爲夥頗得經理信任且面如冠玉親朋咸稱賞現年二十有四昔

年聘定江氏女爲室本於前年即行結婚後以黃母病故直至去歲服闋故定於今年陰歷初九日完婚是日賓朋滿座鼓樂喧天殊形熱鬧迨彩輿臨門雙雙交拜送入洞房揭去面紅新郎見新娘面貌奇醜滿臉麻癩即不別衆人私自出門而去當時家人尙不知曉及賀客皆散遍尋新郎不得家人異常着急即遣人四出找尋杳無蹤跡時已夜深黃只得令其女權作新郎伴新娘同臥次早托人尋訪親朋家無不尋到迄無下落合家大爲驚惶有謂新郎因新娘貌醜故忿而往南京錢莊中去矣其父聞之即用電詢該莊而電去一永日尙未得有回音焦急不可名狀新郎究在何處一時實難猜測更不知新娘此時將何以爲情人

●婦女開筵

(姑娘陪坐)

安慶西門外某洋貨店內有某某婦女四人於十六日五時在小蓬萊中菜館

內設宴正當燈紅酒綠之時內有一婦提議叫局侑酒作樂開心謂北京達官尙叫相公侑酒吾們曷爲而不使姑娘陪坐聲相應氣相求正不必慮其以水濟水也衆踴其言遂叫寶鳳班金銀娃娃兩人及同班各姊妹前來伺應一時珠園翠繞粥粥羣雌洵開前不見古人之局面眉目相傳觥籌交錯俄而該婦等各出番佛命各妓上粧演戲始而大補缸繼而拾黃金該妓演時倍覺聚精會人音調鏗鏘娓娓動聽迨鐘鳴十下該婦等始興盡散席而回

●小星捲逃

吾鄉有陸某者富翁也常往來於京津之間以販皮貨爲業故家資之鉅甲於一鄉惜年逾知命膝下猶虛因於客歲以七白金購某氏女爲妾某氏者前曾與陸某之鄰人某甲相妍識者也自歸陸某後彼此往來益覺便利故明修棧道暗渡陳倉者已非一次日前偶爲陸所瞥見以顏面攸關未之深究推戒其下次不准而已詎某氏以事發覺恐難久持即於是晚將所有金鐲等約值四

百餘元之飾盡携之而去及陸某知之則某甲亦已鴻飛冥冥矣

●母老虎雙陷可憐蟲

▲前度劉郎悲死別

▲今番吳女慘生離

福州南門外恆豐布莊之李老太太素極悍惡馭下尤嚴家人畏之如虎故戚屬等私贈以徽號曰母老虎其長子之媳劉氏因不堪虐待於前年自縊斃命涉訟半年宣告無罪有是李老太太之悍燄益熾其次媳吳氏係去年陰歷八月新娶者亦不得其歡心時施以夏楚或不准與夫同房子媳等無可奈何惟耐之而已距日前又因小故觸姑之怒當以其懈惰不孝勒令其子休去而吳氏因不堪虐待亦自願出家修行了此殘年其子無法遂藉休去之名將吳氏送回黃巷娘家瞞住母老虎月送給養膳費十元俟老太太駕返瑤池後再行團聚一對可憐蟲遂告生離聞者無不痛恨母老虎之忍心云

●洋參水殺人

廣東函云日前有一少婦絹遮革履文明裝束前由香港附輪抵省河轉搭東莞太平鄉渡小輪在船上時適與某老婦及其親屬女同坐一處接洽談話頗爲殷勤此少婦露出手穿金釧一對珍珠鑲鑽石戒指兩只某老婦利其金飾而味己天良由伊斟茶一杯謂用洋參煎水囑其飲之可能止渴某少婦信而飲畢頃間面如土色腹痛呼號搭客多方灌救氣息奄奄返魂無術矣及抵埠時渡主即將老婦扣留交解警察區所伊女先自登陸逃脫由區長研訊某老婦供認暗下毒藥謀斃不諱案關毒斃人命係屬於刑事範圍該區即備文呈報東莞縣張知事核准按照謀財害命正兇治罪仰令區署執行處以死刑就地示衆以昭炯戒

●兩女結婚

南市施家弄居民徐姓子小名無錫老二者於夏歷二月二十七日成婚是日賓朋咸集熱鬧非常不意於結婚時新郎不知去向四出尋覓至數時之久亦

不見回聞新郎之失蹤有謂新郎因新娘品行不端與張姓有染故不願與之成婚者又謂新郎嫌新娘之貌醜故不願與之成婚者然亦不知究因何故也父母遂久覓不着不得已而命其女穿以男裝代爲成婚後新娘知之于晚間回甯後一去不返故乾坤二宅因之大起交涉現不知如何了結也

● 兄妹結緣

▲ 笑罵由他笑罵

▲ 好事我自爲之

世風日下人心不古一班時髦者流誤尙自由竟至倫常乖謬尤不以爲恥良可慨也奉天小南關風雨台住有鄭某者以商業起家頗稱小康中年失偶所留一子繼娶王氏爲室後生一女年已及笄曾在某學校肄業其兄仍承父業去歲其父母相繼物故家中只遺彼兄妹二人度日男未成室女尙待字因是怨女曠夫已陳倉暗渡矣而近來其兄尙知避忌其妹毫不恤人言謂現在自由時代誰敢管我噫彼兄妹之所爲真無異禽獸也

●義女替嫁

福安銀盤嶺農民李七之子何生自幼曾聘訂榮灣市漆某之女爲室本擬於客冬完娶嗣因妻病事乃中止詎漆女被附近梁某挑動春心與之苟合雙雙逃去遍覓莫得漆恐李知之必不干休遂商於其妻謂義女（七妹子）貌頗不俗遂如期遺嫁李娶歸後初不之知也旋爲七妹子失口露出破綻李得實情即欲向漆興訟幸經戚人以此女頗賢該夫婦又魚水相得見生米煮成熟飯又何必再尋煩惱李始釋懷然終恨漆之所爲竟不與之通往來云

●在地願爲連理枝

▲爲這冲喜惡習

▲誤殺幾多青年

湘垣習慣每遇新郎病篤時趕將新娘娶歸結婚名曰冲喜其中不知誤殺幾多青春好女兒言之殊堪浩嘆新河褚宏興豆麥店次子褚茂生因染瘧疾久未痊愈竟于去臘十六日娶清太街陳宅之女名毛牙子者爲媳（係幼年聘

定)意欲藉冲喜以去子病詎婚後乃病日加劇新娘於事疾之餘輒放聲大哭戚友鄰居無不聞而嘆息茲褚茂生慘於日前斃命新娘一痛幾絕嗣後即斷絕飲食臥床不起昨六號乃死者三朝道士在堂唸經新娘忽在房中發極慘痛之聲曰媽媽你害了我呀其母聞而入視時已氣絕矣所有戚友及附近聞者無不慘然

●含沙噴射名花影

長沙壽星街蔣姓之女肄業某師範班年祇十四聰慧過人貌既姣好尤復潛心於學課試輒冠全校故爲某某生等所忌恨欲使蔣女離校方快於是假造情書故作穢語由郵投遞蔣家約蔣女會於學校後某花圃處並特書親剖等字以疑蔣女家人定先拆視果爾蔣之父兄墮其計中於蔣女下學歸家大中訓斥逼令自了蔣女以雖死不能表其清白請令同學之姨表妹來家證白在校行止無奈女之父兄指表妹亦必同道不信其說事將大壞幸女姑母得計

令女如約赴所指定處另由家人等私覘究竟真相自明屆期分往所約處先
不見人後始有某女生之弟至該處窺伺見女入以遊詞蔣女呼其父姑兒嫂
等將某生弟捕住嚴加詰問前情盡露先擬送交學校究辦嗣因某生弟百般
苦求彼實不知情放令轉告罵責某某生之語而罷某生排擠之計未免險毒
矣

●一女三抵

朱金氏與金寶自幼許配與金阿大子爲妻現阿大以男長女大倩媒前往女
宅擬將金寶先行領來家中擇日成婚詎領回後察悉並非金寶係金氏掉換
另一女孩希圖朦混故將金抵押在尤俞氏家奉判將俞氏提案判令交保限
交昨又屆限傳訊俞氏供稱婦人又轉抵與王阿大故將王扭案求追王阿大
供該女孩被民人押在漢口楊永生家須洋二百五十元方可贖回是實中西
官判一併還押候備文至漢口將該女孩吊到再行核辦

●一女兩賣

蘇永祥投法公堂提稱日前有婦人王小妹張錫昌羅金炳等領女孩阿輝到來言女孩之父母病臥在床貧乏醫藥急欲售賣等語我信以爲真卽出洋七十餘元買下爲媳當立身契爲憑不料爲時未久該女孩私自逃逸直至日前始在民國路楊連生家尋見報告捕房飭探劉友發將王小妹等拘獲身契呈鑒求請訊究楊連生稱該女孩實由伊親母領來因貧苦難度情願買與商人爲使女計身價洋八十元立有身契呈鑒繼接孩母某氏稟稱委係婦人情願買與楊連生並無賣與蘇永祥之事王小妹供女孩由張錫昌羅金炳兩人領來托我代覓生願是實張錫昌羅金炳同供此孩由劉金永領來我等家中言稱該孩之母有病急需洋銀應用故此轉托王小妹售與蘇永祥是實中西職員會判以王小妹前亦犯拐孩逐出境外有案此次不應復犯着押西牢二月期滿仍防遠出界張羅兩人各罰洋五元充公該女孩由伊親母情願賣與楊

連生應歸楊領去蘇永祥所出身價着另行起訴向王小妹訊追

●夏姬再世

(嫁夫十二人)

高麗漢城日報記載一奇特之新聞令人捧腹謂漢城某逆旅主人朴貴文(譯音)者其妻年已六十五歲上月忽產一女母子均無恙最奇者爲該婦實係生平第一次生育婦黃海省人雖年華老大其身體猶壯健肥胖闊肩粗臂絕無老嫗態度體重達日本衡計二十一關曾再醮十一次朴氏已爲第十二夫矣

●新娘訓賓客

▲女學生卓卓數語

▲閨房者慚愧無地

城東有趙某者某校之畢業生也於本月三日與某校女生楊某行文明結婚禮賓客盈門頗極其盛來賓中都爲先後同學若輩年少好動酒後歡餘發起

鬧房盛筵既散遂擁新郎新娘入洞房團團圍住開始交易初時尚小惡作劇新娘亦含茹忍耐及後漸趨放蕩旁觀者之笑聲亦漸濃正興高彩烈之際忽見新娘將外衣脫去對衆一鞠躬厲聲正色向衆宣言口若懸河滔滔不絕鬧房者至此皆束手俯首不敢發一言其詞謂諸君皆學校中之高尚學生亦即中國未來之主人翁對於國家對於社會負有若何重大之責任而對於社會一般惡習劣俗爲主人者應掃除之改良之猶恐不及奈何今日諸君對於鬧房惡習竟身犯之而不或稍怠殊有負學生之資格等語鬧房者受此一場教訓全數不歡而散云

●悍姑虐斃兒媳

奉天大東關水簸箕胡同吳某係南省人歷充奉天縣知事得有積蓄在奉省落戶所住房屋皆係購買有妻妾二人係同胞姊妹而嫡妻生有一子娶妻佟氏其子年十九在某學校肄業惟其母性情強悍與妾不睦而吳某遂帶其妾

移居西關家中事務毫不顧問其嫡妻率其子與媳度日家中有侍女女僕二人每視其媳爲眼中釘時常毒打其子不敢過問前曾閉鎖空屋七日未與飲食經鄰人報告巡警力爲勸說始乃無事至此次斃命係斷絕飲食十日每日毒打不堪於日前斃命其姑買棺裝殮欲行偷埋而鄰居均抱不平暗報巡警查驗知是情屈遂報警廳以伸冤抑警察廳轉報地方檢察廳派員檢驗該屍腹部似乎斷碎並有火烙之傷將其姑與侍女一並帶廳研訊以期水落石出當檢驗之際問其何死其姑聲言有瘋疾並上大炕等語該檢察官帶廳此時有人報告吳某回家其孫始三歲抱其祖腿而哭謂其母被祖母打死而陳某携孫入室謂待赴法廳過堂將爾奶奶永遠監禁今世不准其出來云云其憤恨可知矣

●同下藍橋

常熟支塘鄉十五圖內馬家小橋農民顧某之長子某甲年逾而立猶未娶室

平日在該鄉紗廠工作與同廠徐姓女工結不解緣該女工係附近三圖內徐某之螟蛉女又爲養媳年近三十因夫年幼尙未結婚在廠工作已數閱寒暑與某甲暗中往來亦有多人鮮有知者茲於禁煙節夕某甲適與徐女同爲夜工至夜深時二人偷閒私合於幽僻之所忽被廠總覺察立即停止其工作驅出廠外翌日(五日)晚該男女仍欲入廠工作廠主堅不允許二人乃鬱鬱而出某甲偕女至家其父閉門不納聽其在外野居徐女亦無顏返家由是結髮挽手投河自盡翌日(六日)二尸發現於顧某宅前蔣家水溝內近鄰見之遂喚保正蒞場招人認領即日由顧某徐某到場買棺收殮以了其事嗚呼其野鴛鴦之收場如是亦足以警醒普天下之自由男女也

●巨宅中之羣芳會

(內有薛大塊頭)

滬西某馬路一號某公館主人爲亡清某道員之第五子藉乃父刮來餘資日

事冶遊於花柳場中去年乃父作古後更肆無狀致後房姬妾三五成羣已則鳩形鵠立盡力周旋疇昔之夜爲其某妾春宴之期所邀賓客不下三十餘人皆爲北里舊識內有已嫁人之李奎閣碧霞樓及祝姓葉姓之專寵等一時嬌紅姹紫煞是好看最可異者鼎鼎大名海上媒妁公司總理薛大塊頭亦與其列斯則令人難解矣

●乾綱不振

長沙紫荆街荒貨商湯某之妻人稱湯嫂者貌寢而性淫往往欲與少年白臉之輩結歡喜緣如勾挑不得則出伊夫蓄積之錢以誘之以致醜聲洋溢湯某畏其威不敢干涉故祇僞爲不知但於錢財鎖藏甚密乃湯嫂新與裏手蕭老滿勾結成姦愛情濃篤使術用計又將湯商密藏之欸挪用殆盡日前爲湯查知實施其錢與命相連之本性與妻拚命於是兩人頭破血流腰傷衣碎又將室中器物擊毀大半直至氣竭力盡相將扭往警署不知如何了結說者謂湯

乾綱不振自貽伊戚云

●荒謬之女子

無錫婦人丁朱氏家童養媳朱阿金因於三年前被人誘拐來滬價賣與北浙江路老垃圾橋堍洽記馬車行小主楊鴻發爲妻迨至去冬朱氏偕子丁桂祥及親家朱沈氏即阿金之母來滬尋見詎該養媳不認親生母及姑等致被控由會審公堂於前日奉李襄讞會同英白副領事訊據朱沈氏投稱阿金係我親生女兒於八歲時乃父病故即央媒許配於同村丁朱氏子丁桂祥爲妻當時領去童養收受茶禮洋五十三元迨至民國三年間阿金私自潛適我與其姑丁朱氏及其子丁桂祥來滬找尋三年之長直至去冬在洽記馬車行將其尋獲奈阿金荒謬絕倫竟不認我爲親生母是以邀同證人投案起訴要求給領云云並據丁朱氏到堂證明阿金係我家童養媳餘供與朱沈氏略同又據丁桂祥投稱阿金係我未婚妻三年前私自背逃找尋無蹤業已尋獲奈阿金

喪盡天良不認本夫求鑒又據見証宓瑞林上堂證明阿金的係丁朱氏童養媳有婚據呈案請察詰之楊鴻發供稱去年憑姓爲媒娶阿金爲室於去年九月十二日正式結婚據爲證現媒證已經物故求恩成全質之朱阿金供稱我係松江人蔣氏并非無錫藉我之親生父母早已物故云旋據錫金公所代表薛某到堂證明此案已經敝公所調查明白朱阿金的係朱沈氏之女許與丁朱氏子丁桂祥爲室當時過門童養是實中西官得供磋商之下以此案研訊明白朱阿金（即蔣氏）的係丁桂祥之未婚妻既經三年前背逃來滬憑已故唐姓爲媒嫁楊阿發爲妻本已成舟本公堂衡情酌斷判令楊阿發償還丁桂祥聘金費洋二百元仰另行娶妻如無力繳洋阿金先行函送錫金公所留養如該被告於一個月內繳洋二百元呈案再核否則阿金准給丁桂祥領回團聚云

●可憐蟲

某商新自漢臯買得簾室曹氏女姿色可人略解文字蓋楚國故家女避兵出亡爲匪人所誘賣者也某商初未語以家有河東獅及抵滬始知有大婦在然自顧命薄亦祇可安之而已某婦悍妒以曹子身來歸肆虐無忌某商本懦如季常至此一任欺凌雖鵲啼血出亦不敢一慰問日前曹作書致漢上某戚爲大婦所見疑函中有詆彼語攪之以示其兄固僅識之無者甫過目遽繙言曰此情書也彼女恐白鴿者流留之或非福某婦益惡之俟未歸出以示夫更佐以謗某商胸本藏有斗大數字今受浸潤以讚轉成沒字碑而信舌人之言即夜加以撻楚怒猶不息聲稱必售諸平康詰旦夫婦皆起視妾室門猶未啟某婦戟指而詈曰個賤人竟欲高臥似姑嫜耶某商亦怒力踢其扉斷闔而入則見昨晚痛打之弱女子以頸懸帶於床魂返太虛矣某婦乃駭極而慄某商則呆若木偶已而婦強自鎮定顧謂橐砧曰懼何爲人已死差幸無苦主諱爲病卒掩之可也某商遂謹遵閻命草草有之棺殮鄰右雖微悉其蘊以無干係

故亦祇諡之爲可憐蟲藉致哀悼而已溯彼可憐蟲來滬之期猶未逾匝月迴想其作清白女兒身時祇距三數月耳嗚呼慘矣

●蘆花遺孽之慘案

馬福生髮妻於前年亡故所生二男一女男名春祥根祥女名金祥福生於前月間與常州婦人王夏氏姘識賃居法新租界地方詎王氏人甚悍潑將馬前妻所遺男孩馬春祥百般凌虐並以鐵練鎖在檯棹之下不給飯食現被鄰居周顧氏張鍾氏王張氏等目見不忍激起公憤鳴捕將馬福生並王氏及王氏親生男孩王國二馬春祥一併帶捕昨解公堂請究先據見証周顧氏等同稱婦人前往理勸詎伊非但不服反敢將婦人等行兇故此報捕拘案又據一百五十號華捕上堂稟稱巡捕目見該孩鎖在桌下是實王氏供因春祥時將家中什物竊去售賣故此略爲毆打深恐再有行竊情事故將練條鎖住馬福生供向在大世界種花園爲生因該孩不端故此將練鎖住問官當謂爾出外後

是否再與王氏妍識馬答情願仍與王氏度日各原告又稱如果該孩等交與王氏帶回必有性命之虞男孩馬春祥稱時被晚母凌虐遍體鱗傷因此患症求請超拔女孩金祥聲稱女子情願至伯父馬阿土家度日中西官判夏王氏押四個月馬福生不應聽從王氏之言凌虐親子忍心害理着押西牢三月以儆春祥奉往醫院醫治王國二送堂留養俟伊母滿期後准予前往具領馬金祥根祥送往伊伯父處留養判畢當堂向各原告獎勵數語並諭以後如再有此種情事准予隨時報捕提案重究

●南通殺媳案記詳

南通餘中鄉鄉民萬祺祖妻沈氏素悍生子鹿鳴甫冠乙卯年央媒沈正壽劉松堂娶養媳張氏張女是年十八歲勤勞力耕姿頗不惡祺生四女長女已出嫁次女名萬婉琴現年二九頗輕佻已許字某尙未出閣時與其嫂角悍姑祖婉琴凌虐張氏常施鞭撻鄭里畏沉潑悍莫敢言婉琴與胞兄鹿鳴私屢被

九齡幼妹所見密告母母疑媳洩漏未幾醜聲外揚沈氏同女婉琴銜恨張氏切骨遂萌謀殺之念猶未敢遽下手也日尋細故詈罵張不服則鞭撻隨之沈母女陰蓄毒謀已久乃密置酖於食物貽媳飲時適雷雨交作霹靂之聲盤旋屋頂沈懼將酖棄田中被媳偵知逃回母家後於五月三號沈氏詭稱爲子完姻先期央求原媒往張家迎媳張氏泣告乃父聲言回必殞命媒力保無他張父固窶人子力難留女乃責以大義交媒帶回是夕萬祺祖命子鹿鳴與養媳完姻鹿鳴以妹故然亦憐妻遂成婚焉是夜婉琴醋海漸急乃泣告母欲尋短見母悍惡胆陡生以女死不如媳死乃密謀共殺之翌日沈氏遣子逃出竟日未歸沈氏同婉琴將媳口塞棉絮用繩勒死牀下血流如注據外間人言當勒未絕氣時又以竹籤插入陰戶始行斃命母家聞訊惶急萬分沈氏知關人命重案願出田一千六百步央求某甲向張氏之父兄私和並給田六百步餘田一千步售價洋一百五十元分賄私親地保更以三十元送警區求其免報區

員陳永錫不允所請立飭長警往查屬實備文馳報蒞驗當將萬祺祖帶署後
派定法警蔡宏昌往捕兇犯萬沈氏等詎沈氏一千人犯已被地保得賄三十
元藏匿於劉松堂沈正壽家區員又奉縣署令協同法警逮捕各區亦同時接
奉警局通緝此案人犯陳區員協同法警先將地保陳宏拘區訊明得現洋十
元期票洋二十元將氏婉琴私縱藏匿並將保人劉沈等逮區拘留劉沈兩想
家屬始將萬沈氏及其次女婉琴交區備文派警解縣現鹿鳴亦經法警拘縣
斯案關於人倫風化及謀殺之慘毒盧知事必能按律懲治也

●李生自述詩(香車之黑幕)

李生江寧籍清季肄業京師大學醉後誤入香車憔悴欲死哀求始得歸乃追
憶前事成七絕十首以自述茲錄如次

席散宵深別酒家何人扶我上香車幾回抬起朦朧眼簾幕重重四面遮(車

中)

花陰滿地夜三更低首逡巡不敢行環姬聲聲來書閣幾多仙子下階迎（入園）

不辨花香與粉香行過曲徑轉迴廊幾聲笑語渾難解阿姊今宵入醉鄉（擁行）

嬌鬟五人入簾來私語喁喁傍鏡臺默坐無言心暗祛依稀夢境費疑猜（小坐）

香風拂拂怯春寒羞解羅裳共浴盤底事銀燈偏照我隔簾無計避人看（對浴）

銀床并倚夜並涼七寸圓膚一搨腰多少芳名難記憶銷魂暮暮復朝朝（共枕）

貴家飲食異尋常珠粉調糕參燕湯三月不知蔬菜味腰圍漸減臉皮黃（初病）

連宵秋雨又秋風黃葉蕭蕭曲院中自恨此身難似燕那能飛出畫牆東（思歸）

形容憔悴骨如柴床辱支離淚暗揩愁煞殘軀溝滄葬幾時流得到秦淮（自悔）

倚篷路徑不分明但聽雙輪轆轤聲回首巫山渾似夢江南歸去樂餘生（出險）

●紅衣女郎日記

（發現於大世界）

星期日下午記者偕友李君作大世界游購票入門將上樓之際一女郎自上冉冉而下女郎風姿綽約惟其服裝頗奇特頭戴紅絲絨帽身穿紅絲絨衫襟開左方衣窄袖短玉臂外露春筍上之鑽戒寶光四射耀人眼目其裙亦爲外國紅絲絨所製就紅襪紅鞋紅絲手帕令余一見幾疑爲火神下凡也女郎下

樓時極匆匆及梯之半忽遺一袖珍小冊於梯級而女郎不覺仍急急下樓去時余與余友李君適上因拾而觀之則即女郎之日記簿也中所記者閱之頗足消閑余因錄其自元旦至初七之七日日記投諸新聞屑以博閱者諸君之一粲惟余不能知女郎名惟見其徧體以紅爲飾因名之曰紅衣女郎之日記云

元旦日 十時醒小婢阿蘭告儂曰雨雪皆止晴光已放矣儂聞之大喜蓋昨日雨雪紛落以爲今日必不能出門不意天之仍能放晴也因卽起身向阿母賀年禧少頃食飯飯後即驅車往新世界因蝶郎於前且特遣人來約儂今日下午二時至該場影戲場內相會也及至則郎已先在矣時場內觀者極衆已無餘座郎即以渠之座位讓儂儂却之郎曰此吾輩男子之天職也卿何讓爲儂笑謝之郎乃傍儂而立如郎之溫文揖讓真可喜也影戲畢後儂卽與郎訂明日之約而別返家後未幾即睡

初二日 十一時起少頃即用午膳膳後即往新世界赴蝶郎之約則郎猶未至也因獨在跑冰場內跑冰以資消遣少頃郎至攜手同郎於此頗善長儂隨其後幾跌者屢幸郎護持得免六時郎偕儂同往餐室用膳膳後仍偕往影戲場觀影戲及新劇十二時返家即睡

初三日 今日李王潘陸四同學姊來訪約儂同往新舞臺觀劇儂許之即偕往是日該台賣座極佳擁擠不堪儂等五人因合定花樓一間得免受擠劇畢乃各握別返家晚餐後又偕母與弟往大舞臺觀劇返家睡時已二時矣

初四日 今日天雨未出門午後與母及弟用陞官圖擲骰爲戲又閱西廂數頁西廂一書文筆情意人多稱之爲完美以儂觀之自相矛盾之處實亦不少如鶯鶯穿孝紅娘著素旣見科白中而下文寫鶯鶯處偏寫得珠翠滿頭寫紅娘處偏寫得綾羅遍體一也張生人人稱之爲張解元而老夫人偏說是白衣二也其他似此者尤多不勝說也

初五日 今日仍天雨不能出門閱西廂記及擲陸官圖以爲消遣而已

初六日 今日雨止李王潘陸諸姊來訪儂儂因留飯並與打麻雀八圈儂贏五元餘諸姊笑曰李妹喜事在卽無怪其運氣好也儂問是語則大赧蓋儂與蝶郎將於日內訂婚之事已被諸姊知矣牌事畢諸姊皆告別晚飯後即睡

初七日 午後蝶郎來訪儂言彼校中已定於十二日開學彼即將往寧前日求儂之事懇即允彼儂聞是語赧然不知所答郎見無人在乃跪儂前曰今日卿不允余者余不起矣是時儂情急力拉蝶郎起曰郎癡耶妾願允將自今日始妾身屬郎矣蝶郎聞言則大喜一躍而起連與儂行接吻禮儂幾羞至無地自容適阿母至郎卽向阿母求允阿母素重郎之爲人又聞儂已允亦允之是日郎卽在儂家晚膳後郎別是晚儂終夜入夢不能安睡

●女拆白黨會議記

▲選舉副黨魁

▲誘引姨太太

▲聯絡男拆白

▲創設養成所

斗室枯坐寂然無俚忽門外有剝啄聲開門視之即日前報告拆白黨會議之福爾摩斯也余即延之坐福氏謂余曰某界某路某里之女拆白黨於昨晚開秘密會今將個中情形一一報告於子以作新聞之資料而破若輩之秘密何如（以下均會議情形）

開會後即從事選舉副黨魁緣前副黨魁花某年華三七個儻不羣因日前患寒熱症不幸魂歸北邙黨中人莫不悼惜之黨魁朱某深恐此位久虛於事務上不甚得手故開會之第一事即選舉副黨魁是晚鶯鶯燕燕到者約有二十餘人黨魁將選舉票分與各黨員寫畢當衆唱名揭核計某公館之女公子得十五票當選一般黨員咸向其道賀不置

某女公子被選爲副黨魁乃含笑起立向大衆曰儂承諸姊妹一番盛意舉儂爲副黨魁惟儂質弱才鄙恐不勝任三思之下惟有極力從事以答諸姊妹之雅意今有一事儂欲爲諸姊妹告者即誘引姨太太入賭蓋手頭最濶者莫若

姨太太故吾輩宜從此着想况女總會即吾輩之秘密機關不難使其囊豐而來囊空而返其進行之第一方法須互相識相識後且不可使其入賭當用一種籠絡手段使其介紹女友再由女友介紹女友豈非事半功倍然後初誘此繼陷彼未有不入吾彀中而爲吾利用者說畢衆皆齊聲曰此吾黨之張子房不愧爲副黨魁也

副黨魁說畢黨員爛屎後寶起立謂大衆曰吾黨之服裝或閨內派或學生派或小家碧玉派或風騷派或溫雅派派別既如是之多每易與男拆白黨相誤會雙方初猶漠然不知鈎心鬪角著著進行到後來西洋鏡穿破則啞然失笑且易傷感情今思與男黨聯絡感情及易於鑒別起見應各於身上標一特別之記號於是大衆議決吾黨用鷄心式外國金小別針一枚飾之衣襟以作標識黨魁謂來日至某某金號定製并向男黨魁弓長氏說明云云黨魁又起立謂大衆曰吾黨近日新入黨員日形增多惟於黨中情形及種種方法大多茫

然今思創設一養成所以二個月爲畢業期在此二月中觀其性情合於某派即教以某派之秘訣迨畢業後即可臨場執事不致茫無頭緒衆遂議定附設於某機關處議畢即宣告散會福氏述畢一聲再會匆匆告別一望而知其另有探事者記者乃於燈下濡筆記之如右



娼優界之黑幕

●討老婆上仙人跳

錫山天下市下馮地方有黨某者生四子皆年逾弱冠俱未有室雖託人作伐多以其家資不豐迄無應者茲有某甲紹介以一百元在馬路上購一年約三十左右之婦人卽爲長兒成室不意該婦素操神女生涯且已有夫下身徧染梅毒黨某之子快樂暫過憂患已來然羞向人言不數日婦之親夫尋來將黨某扭住聲勢洶洶云須嚴重交涉後由介紹人從中酌奪出洋數十元交與婦之親夫始幸寢事黨某以負債纍纍度日爲難且婦人又無生育希望不勝懊喪日前竟在室中投環自盡幸經旁人瞥見上前解下尙未氣絕始免性命之虞云

●風月堂減價出售

(生涯果然大發達)

長沙陳風月堂爲堂班中最不行時者所有太婆妓女龜奴女傭等無不償台百級大受虧累勢將不了遂於百無聊賴之際思得以廣招徠之法無論生張熟魏如能給現錢三十竿者立可鋪堂免除一切花頭實行已一星期一般貪便宜之急色兒趨之若鶩各妓生涯大爲發達幾有夜無虛席之勢或有責其不顧身分者輒答云無可奈何聊以度此時日云云聞楊柳枝堂等心頗豔羨將起而仿行云

●醜氣通天

江西北街某宅主人先本一窮措大憑藉妻女外交手段高超掙得資財不少某主人於是面團團作富家翁非復曩年家徒四壁之形況時以養尊處優傲附近居人知者咸唾罵舊厯本年春正爲幼女出嫁之期對於嫁奩索望甚奢奈某主人不念前勞多拒其請幼女憤慨無似百端哭鬧其妻亦勸解酌加詎某主人忽出嚴厲手段痛責該女不知三從之道激得伊女求死不得其妻遂

大肆雌威面斥某主人醜狀不爲稍留餘地且以家資爲彼母女所拚得不令某主人坐享逐之外出某主人始懼聽任母女自爲渠則因醜歷史多爲鄰近所知頗有羞惡之心乃携少數資財出居某戚家誓不復返云

●蕭郎墮入仙人跳

▲賠了夫人又折兵

▲從此蕭郎是路人

前在某縣充科長之蕭某上月解職返滬寓白爾路携有造孽錢不少並隨帶私娼胡姓女爲妾居未一月胡女時藉故外出蕭心不悅賤視之若奴婢胡女以郎旣無情妾寧有義不知如何串同壯男五六人日前尋至蕭居有稱爲女夫或女叔者有認爲女伯女兄者撞進各房大肆搜捲指蕭係姦拐胡女之人朋毆不止勢甚洶洶蕭除呼救命外無話可說女亦僞哭認錯鄰居不知其故僅勸令男等出外向官廳請求解決於是衆男子趁勢將胡女僞作扭赴捕房之狀出門而去過後清查錢財均失始疑彼輩故作圈套一面四出查追一面

前往尋女之母查問真情矣

●妓院之黑幕

英租界福建路一百零一號門牌雉妓院鴉婦花芬蘭（卽謝老大）因將身患毒瘡之妓女黃新寶百般凌雪并串同紹興人田五寶將該妓強行拖至妓院迫令賣淫由捕查見將王新寶解送公堂奉中西官訊判給諭將該妓院發封黃妓暫留濟良所候飭提謝鴉到堂澈究去後經匯司捕房包探奚德安與四十號西探目潘林士謝鴉及田一併獲解諭着分退押候研訊各節均詳各報某日由廨復訊先由中西包探上堂稟明前情繼有濟良所西女董投訴黃新寶被虐患毒始末并據王新寶上堂訴明迭次被凌虐苦不堪言乘間逸出後在北山西路被田撞見通知謝鴉到來強行迫令至院并在伊口內塞入敗絮等物不令聲喊等語質之被告田五寶供在水龍間爲出店與謝鴉并無交情因黃新寶與友人王某相識是以着人通知云云而謝老大則延律師到堂辯

護經張襄讞核供商之英白領事判謝搗發押女所四年田押西牢二年分別示儆黃新寶發濟良所擇配此案始了

●操淫業阿姊代嫁

蘇城山塘街之孫阿蘭生有兩女長名增寶次名惠寶惠寶姿色可人幼時已訂婚與本城吉由巷陳姓爲媳素性輕浮其母烟癖甚深阿蘭又無營業度日萬分艱難不得已將惠寶送申操賣笑生涯詎陳姓定於某日完婚阿蘭恐搖錢樹從此枯倒遂將長女增寶代嫁及至陳姓知覺亦祇得將錯就錯耳

●天生賤骨

▲太太不做

▲要當妓女

大連函云阿什河某旅長之妾沉香閣本係娼婦出身原在吉林省城內賣淫多年自歸該旅長後仍不安于室與使役某私通情熱二人勾通拐款四千餘元一同潛逃及逃至某所該使役獨自將款拐走遺下陳氏不敢在北勾留遂

於先日潛逃來連目下已入廓場二十幾號娼窰打夥云

●姨太太上台基

住居白克路之某甲前清遺老亦民國之鉅公也其賄賂苞苴以及括地皮之所入纍纍無數今雖年逾花甲慾性尙濃大似馬伏波所言老當益壯前年秋仲置一籓室年方二八楚楚可人鉅公寵納專房金錢出納亦一聽其取求各游戲場各戲園且時有彼姝芳跡詎知由愛生嬌由嬌生怨彼所謂姨太太者陡以青春不再觸動身世之感去年冬常有衣服麗都之女郎三三兩兩來家戲嬉夫有來必有往理之常也姨太太亦時時濃裝豔服應彼姊妹之召每日非朝出暮歸即暮出晨歸初鉅公頗有煩言阻不許出不半月則且日求其外出矣其中蓋有秘術存焉鉅公祇得自恨風燭殘年無力多享豔福嗚呼彼雙料之大窰桶不知早爲寵妾賞戴一頂綠頭巾矣某日其公子有混號獨眼龍者偕友人數輩獵艷於著名某大鹹肉莊內（即台基）鶯鶯燕燕濟濟一堂獨

眼龍少所許可遂各給車資五角請其回府（按莊內定例來者皆聽遊客自擇不合者卽出車資五角以爲車費此曹皆大家眷屬長久抱孤衾之姨太太卽年賦標之大小姐其肯戾然降止唯命是從者雖多出於自願亦有被脅迫者鹹肉莊主遂竭力搜羅上品以示莊中貨物不弱無何一麗人簾入視之大駭蓋麗人非他卽乃翁之床頭人體面攸關不得不告發鉅公乃於某日忍痛宣告驅逐而檢點房中金銀飾物有案可稽者已缺少萬餘金其他尙不計其數云嗚呼鉅公不自諒而必娶少艾以恣娛樂孽由自作頭戴綠巾固其宜也然彼鹹肉莊老班敗人操傷人節其罪罄竹難書其肉眞不足食也矣書之以作老娶少妾者戒

●末路王孫之可憐

（妾妾者鑒諸）

滬有寓公某王孫兩年前惑一妓變產六千元以贖之不令與元配同居初亦

似一有情眷屬詎今王孫已成季子而妓忽私有外交竟貽王孫以綠等巾然王孫不覺也日前王孫入都勾留半月驚地歸來室邇人遐意緒無聊出游于泥城橋畔見一摩訶卡迎面飛來車中坐少年男女二人親愛之情溢于眉宇方深豔羨而一諦視之則少女非他即其六千金身價之愛寵也然猶以爲春閨思婦偶爾踰閑心或無他乃垂頭而返思所以究詰之詎妓已因其撞破機關老羞成怒盛氣以待迨王孫甫一發言即正色厲聲曰吾偶與汝偕居者非有婚約也况汝已力難自給尙何有於我哉王孫方欲再有所言而妓已指揮臧獲令下逐客矣此王孫舊僕某爲余白者余以其可以警世故拉雜述之於此

●惡鴿吃官司

(小妮子逃出淫網)

浙江路一百六十八號門牌雉妓院內搗婦李氏因將伊媳陳鳳寶夥妓陳巧

林百般凌虐勒逼應客詎鳳寶巧林不願逢迎相繼奔投濟良所並傳同陳鵠解送公堂訊判陳李氏交五百元人洋并保鳳寶等暫留濟良所候訊某日傳同鳳寶之夫陳金生母吳戴氏將兩女解送公堂由王襄謙會同美博副領事訊據陳鳳寶投案供稱原籍無錫父親病故無靠於十一歲時奉母命憑媒許配與被告之子陳金祥爲室當時過門童養媳迨至去年四月念四日與夫結婚至五月初一被告逼我爲娼從此終日勒逼應客因此不願與巧林同投濟良所求恩超豁並據陳巧林到堂證明被告勒逼應客不遂將我凌虐等詞又據吳戴氏到堂證明鳳寶係伊之親生女質之陳李氏延代表律師到堂代辯並稱原告所供各節被告均不承認應請將案註消云云中西官得供會商之下以陳張氏逼良爲娼罪有應得姑寬判押女所三月陳鳳寶陳巧林均發濟良所另行擇配

●吳興之銷金窟

吳興獅子巷著名土娼大脚阿美與素業細絲于務前河姚大仁絲行爲夥之章吉人小名阿吉者姘識窩娼窩賭由來已久專引誘一般有財有勢之人晝夜淫賭於有財者得其厚利于有勢者藉其保護其與章阿吉結不解之緣者乃有故也蓋章某素以聚賭抽頭爲生活號召賭客是其所長故阿美樂與姘識而章某亦藉該娼之妖豔勾引即於其家招徠博徒爲其聚賭漁利之計害人肥己在所不顧一般登徒了有盤龍癖者咸趨之若鶩終日沉湎其間樂不思蜀被其害者指不勝屈迭經該處人民控訴警所數被判罰有案乃陽奉陰違張豔幟如故該娼神通廣大近仗某機關要人之勢明目張胆益無忌憚近日由其姘夫章阿吉招集博徒大開賭場雖牌聲轟鬧震達戶外而警所亦不敢往捕佯爲不知嗚呼局賭賣淫久干例禁斯二者皆爲法律所不容予謂若以某要人之關係而竟縱其所爲不加查禁實於風紀與治安兩蒙其害深願有地方之責者急宜破除情面速行厲禁幸勿膜然視之也

● 姦夫借刀殺人

廣州警察廳偵緝長吳國英某日親率警察游擊隊多名押解男女犯人五名至督軍署沿途殊爲戒備料是重要人犯經即分向各方面調查始悉係與海軍總長程玉堂被兇狙擊案頗有關係因將詳細情形訪錄如下先是有名李桂生者於前日親詣警察廳秘密稟報謂已探得狙擊程總長兇徒之姓名及所在地當事者以此爲掀天翻地之舉設有虛誣咎將誰屬特令先具誣告反坐甘結方允逮捕指控之人李慨然允諾遂卽發令拘備李所指控之人到案此人係名黃式漁藉貫台山曾在該縣充當警察區長已在政界討生活多年客歲又隨欽縣知事路琪光蒞任充當該縣署民政課員邇始在省閒居黃式漁到案後旋又拘傳黃之眷屬名四妹者併四妹之兄亞二亞三到案當經研訊始知其中尙有黑幕在焉事緣四妹實爲人盡可夫之娼妓黃式漁愛其貌冶特爲脫離樂籍繼因入門見嫉大婦不容黃又另營金屋儲之客歲黃赴欽

縣難與偕行遺留在省獨居供給無間四妹獨守空帷不堪所苦黃去未幾即與李桂生姘識露水鴛鴦儼同眷屬惟黃尙在五里霧中全未知覺邇雖返省四妹雙方周旋以故黃仍未知但李自與四妹姘識久欲據爲己有因是遂生剪除黃式漁之心程案發生後李嘗手舞足蹈對四妹言謂藉此可以借刀殺人令黃無生存餘地四妹大反對初不料其竟見諸實行也故自到案後即將上述各情和盤托出警廳終以是案太屬離奇且又關係極鉅故特將其轉解督軍署莫代督據報經即特派發審委員古祥炎親爲研訊甚屬認真訊至六時方畢仍令發回警察廳押候核辦四妹則交濟良所看守查該四妹年約花信貌殊妖豔起解時尙身衣時灰縲緞足登高蹻鞋春風滿面絕無愁容李桂生則衣黑縲棉袍年約三十許面白如西人黃亦身穿羅緞夾袍云

●娶妾鏡

外白渡橋塊有□□□□行主張某者其妾老大本北里名姝貌頗妍豔自嫁

張後業有數年平日與大婦同居亦頗相得孰料張某新近暱一某妓恩愛無比花天酒地報效頗巨棄舊憐新竟置老大於腦後然張素懦弱心滋懼之雖屢藉故外出終不敢在外過宿每至夜闌二三時必返藉以周旋老大然牀第之興未免稍減老大本無恥蕩婦不甘受此寂寞遂與其舊時諸姊妹商妥囑行庖代其事每晚返必與張某相接洽張某雖屢聞之亦不之禁於是老大之胆愈壯而返愈遲向之較張某稍早如今則一變反較張某爲晚矣以致人言嘖嘖咸謂其有外遇張某心雖疑之然終未之目見亦不遽信其事惟稍稍惡之老大心邪胆大反以怒言相向張某亦無可如何付之一歎而已

是月望日張某因經濟支絀週轉不靈心中微有不豫逸興毫無是晚於十時卽回見老大出尙未返祇得靜心候之竟至鐘鳴兩下老大猶未言歸不由頓起疑雲遂出隻身立白渡橋畔待之片時果見二車飛馳而至遙望之知一爲老大一爲年約三十餘之時髦男子懼急避之俟車過後乃踵而歸抵家車停

視之果老大也蓋其熟客向爲生理之周某以包車送之歸已則雇車伴之老大猶以張某尙未歸也堅請周某入內略坐蓋言後門啓扇而進不須人拔關也孰知張某已追踵而入睹狀大怒立即鍵門呼起大婦合力毆之周某見勢不佳欲遁無路祇得與之拚命相爭究以衆寡不敵卒被張某大婦批頰三下衆夥驚醒羣起調停麾周某令去周某心不甘服夤夜扭至虹口捕房捕房辦事人等與周某張某均素相識以其兩造各有不合皆被斥而歸時已鐘鳴五下矣

次晨張某忿極即扭老太痛毆四次週身青腫閉之空室不許外出惟日飼以三餐不知如何老太竟於前晨逸出即找周某備言其詳周某憐愛報忿心切不惜重資即延律師三人令老大以虐待受傷等詞起訴已則以張某故作仙人跳詐財等詞起訴張某見老大走逸情知不妙正惶急間適接周某所延某律師通知云願以官休私休張某當答以從緩容商遂亦延定某某二律師如

果周某起訴卽請其爲之辯護結果如何尙未可知而張某所耗已屬不資如張某者誠可謂賠了夫人又拆兵矣

●酒醉西人誤認天台之新笑史

蘇城顏家巷內之由巷中有土娼（俗名私門頭）花四寶者有姿色在蘇城私娼中堪稱翹楚因接待週至兼擅歌典故聲譽甚著而問津者常覺門庭如市戶限爲穿固不獨商界爲然即在職之政界人員亦趨之若鶩而外人亦有時往度宿者前日有西人兩名偕同華人某甲初在觀前老其昌酒店吃酒飲至晚間十一時許乘輿至由巷花四寶處兩西人旅蘇日久均能口操吳語不料誤叩間壁潘某住宅之後門適是日潘某出外深夜猶未歸家宅中女僕聞叩門聲疑係主人回來遂即啟門出迎而兩西人竟誤認該女傭爲花四寶家之大姐驟將其攔住調戲該女傭羞懼萬分口中大聲呼救反身向內奔逃兩西人與某華人竟隨後追逐跟蹤直至內室潘妻聞聲出視時兩西人不問情由

亦將潘妻任意調戲無所不爲聲稱吾等來嫖何不出迎更不裝盆子送香烟是何緣由又指同往之某華人即係現任之蘇常道尹爲王公爾等曷不跪接潘妻忍辱掙脫乃逃匿至灶房內躲避西人等竟大發雷霆定欲住宿在此宅中之僕婦人等均恐被其穢虐無一敢出嗣經潘某之弟出向兩西人及某華人說明本宅姓潘乃蘇州縉紳之家既非私娼何能似此孟浪於半夜三更硬入人家污辱民婦詎西人等聞之竟欲將某毆打潘知不可理踰乃赴宮巷內喚崗警到家勸解不料巡警甫經進門未及啟口遽被兩西人擱掌擊逃該崗警因係洋人不敢動手恐釀交涉不得已抱頭鼠竄而至南區五分署本局報告巡官劉竹菴核辦劉以外人擅入蘇紳之家調戲婦女毆辱巡士事關重大先行電告署長王宗嘉請示辦理奉諭妥慎保護切勿草率劉乃親帶長警十二名赴潘宅意欲婉勸三人出外當時官警入內（潘家距離警局僅十餘家之隔）西人等見之恐被拘捕意欲即此出門惟恐爲警阻住反而不美劉巡

官各長警等將近身時兩西人故作奮身毆鬪之狀各在褲袋內取出電桶向各官警面部照射劉巡官及十二名長警突受電光一閃誤認兩西人開放手槍（各長警當時皆徒手空空未執一械因王署長妥慎保護之示深恐攜帶槍枝爲西人強詞奪理則有關差使也）劉乃首先往外飛逃各警亦拚命奔出祇得還局後各帶槍械再往干涉兩西人見嚇走官警乘勢挈同往之某華人揚聲大笑而出其時已三點鐘矣及至劉等第二次到潘宅時西人等已不見蹤跡矣劉竹菴亦恐洋人與其爲難故不敢追究亦不報告警廳迨至翌晨潘某返家得悉妻僕受此奇辱心實不甘立即呈報官廳未識官廳對於斯事如何辦理也

●妓館內之命案

（爲何謀死女掌班）

吉林張家灣西街三等妓館桂喜堂掌班楊洪賢領有妓女二名在灣營業已

經年餘日前楊因事外出館中三妓及女掌班均潛逃無蹤鄰人頗以爲異常即報告警區嗣有一品香飯館主人劉某至該妓館代爲看守房屋至本年舊曆正月二十五日早瞥見坑洞內有一女屍鼻孔流血舌出唇外其面貌確係該館女掌班桂喜急連報告第四區轉請縣署派員檢驗並嚴緝兇犯說者謂桂喜之死與三妓必有關係欲明此案真相非先將該三妓緝獲研究不可云

▲謀殺原因 本縣警察四區張家灣街三等妓館桂喜堂掌班桂喜同夥楊洪寶對待妓女金翠金茹金紅等甚爲苛刻生涯冷落即以皮鞭撻楚各妓陷身火坑無法跳出惟有飲恨痛泣而已金紅之熟客張海山見桂喜慘無人道異常忿恨舊曆正月二十三日乘該館夥友楊某出外遂與醬肉鋪張洛二合謀當晚三點鐘將掌班桂喜絞斃藏在坑洞中同三妓携帶物件乘火車潛逃詎至車站火車已開又停一宵始得乘車逃走云

▲屍首發現 二十四日該妓館房東一品香王掌櫃見桂喜堂關閉意其避

債私逃房屋無人經理恐無賴竊取物件遂領其妻至該房看守二十五日王在屋中灑掃見第四號屋內坑席不平細看坑磚活動微露青色衣衾王以手拉衣頗覺沉重向坑洞細觀則赫然一女屍也不禁大叫急跑至四區報告請速前往驗視

▲妓女被獲 兇犯張洛二張海山領妓女金翠金茹金紅攜帶物件乘坐火車潛逃(卽正月二十四日)擬赴長春營某正目在車中瞥見該正目與該妓女等相識細加盤詰言語支離二張見事不妙乘隙下車遁去車至長春時交涉局已接張知事電派兵按車盤查將金翠金茹金紅三妓拿獲二張竄遁無蹤即將該妓等及妓所帶物件一併解回灣街經四區區官於三月十號解送縣署看押

▲開庭審訊 是月十一日縣署開庭提該妓等審訊旁觀者甚夥經承審員桂修五君一再研訊金翠金茹供絞死領家媽媽與我等不涉實係張二伯伯

與海山所爲絞死後我姐妹等擬闖出報告巡警二張攔阻威嚇如若聲揚將汝等一併絞死我等無法被其指令同逃謀害情形一概不知張海山是金紅之客二陳竄逃何處亦不知情等語金紅供張海山雖是我客謀殺事情並未向我說過後將領家媽媽絞死我等纔知當時嚇得魂飛天外張二伯伯與張海山將坑磚揭開幾塊掩藏屍首逼令我姊妹三人同伊等潛逃不准聲揚亦是出於沒法故隨同走搭火車至長春被交涉局獲住二張已竄去同謀殺害我十五六歲女子安敢作此害人事情承審以該妓等供詞均歸罪於二張未便判決仍舊收押俟二張獲案後再訊



拐騙界之黑幕

●通函售貨行騙

本埠南市縣商會某日接鄆城縣商人張濟生來函云「前略」慈懇者六年十二月八日敝局接到上海大東門大街宗字二五三號彩彰申莊寄來綢緞標本閱其簡章尙屬公允即於十日發出郵票洋十四元七角試辦地二十七號素緞此信回執已於十九日轉回嗣又接其素杭緞稱地二一七號係作畫軸用非衣料當日作覆掉辦天一四〇號摹本緞一丈八尺迄今計已數月未見來貨再三函索亦未一接覆函茲據上海郵務局查覆該莊經理於去臘返鄉至今未回該信送去無人收云云似此行爲顯係詐欺收財通函辦貨原期營業擴張受騙若是銷路難望廣闊亂苗之莠可惡可恨相應函請貴會嚴加取締并查明該莊經理兼主人林彩彰是否返鄉抑或匿跡祈切實辦理弟之區區十數元無足重輕誠仍有受騙者則商界受其影響致名譽一落千丈再圖

補救非易矣專函奉懇附寄原本即希查照云

●奉送實驗行樂奇書

某甲見報紙有（奉送奇書實驗行樂法函索附郵票二角隨即寄奉）并其所開地址爲（南京□□牌樓第□□號門牌）等字樣甲本登徒子一流以爲是閨房秘書欣然附郵票二角照所開地點寄往又恐或者受騙復大書封面云（想非黑幕請即寄下）三日後果得一捲油印之紙其內容大略爲春日踏青夏日乘涼秋日賞月冬日圍爐皆爲及時行樂等語甲一見即扯爲紛碎亦趣事也

●買柴施騙

營口羅鍋橋南滕姓柴廠日前來一某甲言購買葦子一百捆滕索洋四元五角甲並未爭價令滕送到南邊林姓院內取錢並言吾係十元紙幣兌換非易宜再持洋五元五角以便找換滕從其言隨求鄰居王姓子担葦二十捆持洋

五元五角送往林姓院內甲向王姓子云持洋交吾速去担葦王子不知是計將洋悉數交甲而返殆再担葦至林姓院內某已不知去向詢問院內住戶并無識其人者始知被騙云

●騙珠

滬城邑廟後轅門慶昌珠寶店前被匪徒以購買珍珠爲由騙去價值三千元珍珠當將在店守候欸項之匪黨任天時拘送地方廳奉訊明確判決監禁六個月一面仍令嚴緝逸犯在案茲悉此案自發生至今閱時已久所獲者皆嫌疑之流前日復經警廳偵探王慎卿購到眼線在新北門內拘獲杜蘄曾又名蟄民係浙江紹興人押解到慶昌店中由該店夥指認無訛當在該犯身畔抄出當票一紙即屬所騙該店小珍珠計一百二十粒當在滬北某典當計洋二百五十元詰其餘贓則稱當在天津地方該隊士即將杜犯連同當票申送警廳發交司法科訊供明確判令收押以便函請地檢廳將在監執行之任天時

送案質訊究辦

●教員拐逃

紹興柯一鄉私立培蒙國民學校教員鄭某，縣人，平日專以問花尋柳爲事，遂置教務於不顧。詎該教員前與校外居民沈淇祿之長女名蘭英有染，屢在野外苟合，形同禽獸。早被女父沈某所悉，於是嚴加管束。現該教員爲圖永久歡聚起見，竟於日前串令該女乘間潛逃，杳無蹤跡。現由該女父沈淇祿除托人追尋外，一面詳叙被拐實情，稟請就近警察所迅予追緝，未識能否珠還合浦也。

●騙取洋碱定銀

已閉瑞豐號主劉福順，因於民國四年十二月二十號，抖售洋碱爲由，向日商羅公司用人夏梅堂騙取定銀二千兩。於二十七號將店倒閉逃逸。經夏控奉公共公堂出票發交總巡捕房飭探張玉嶺與二十七號西探日朋山將劉拘

獲解公堂訊核云

●騙贖開設客棧

甬人林鴻扭李茂才至法公堂控稱李於某月間在原籍地方騙取商人姪兒之洋銀共計一千三百元逃來上海現始偵悉故此來申尋獲扭案求請訊究詰之李供認騙取不諱惟當時陸續亦被原告姪兒用去洋三百元民人祇取一千元來申在治下開設同春順興兩客棧是實中西官判以此案發生係在甯波諭原告投甯波官廳具訴移提外先行將兩客棧發封拍賣俟該處備文到案准予人洋一併送歸訊辦

●農夫被騙

巴茂仁者富陽靈橋鎮蔡家塢人耕種度日薄有田產惟性極魯鈍家有寡嫂韓氏現年三十八歲韓有女名惠珍年十八歲相安無事詎料某日間忽有一人身章麗都自稱姓韓與巴之嫂爲堂兄（其嫂從幼童養過門未能詳知母

族）故不之疑殷勤款待該人乃謂向在津滬販賣珠寶於巨宦洋商每年獲利頗豐少則數千金多則鉅萬並誇上海如何繁華賺錢甚易滔滔不絕引誘巴破產同往上海營業流連旬日巴竟爲所惑乃將田產變賣得洋二千數百元並携寡嫂及惠珍於四月五號同赴上海寓居四馬路某某旅館於八號該人與巴同往天蟾舞臺觀劇旋即脫身回至旅館將巴之現洋二千三百元及其嫂並女携帶潛逃迨巴返寓早已人財兩失而旅館向索房金飲食之資巴身畔囊底祇有小洋數角銅元二十餘枚不敷付給後向某甲同鄉告貸洋十餘元始得如數付給於九號怏怏回鄉哭訴鄉董請予援助追緝云識者謂在中之時何不當時報捕查緝豈不較便耶

●女騙

人情鬼賊於今爲烈詐騙之風不獨見於男界婦女中亦常有之交際偶一不慎卽墮狡計滬南王家嘴角居人洪少坪向在天津充當洋行買辦其妻某氏

上年間因曾一赴津埠與一婦稱名五姨太太者邂逅相識自某氏回滬相接已久新正初五日五姨忽來滬地逕至洪家探訪歡然道故某氏歎留午膳後偕至新世界游玩繼入書場聽書二婦手上各帶有鑽戒一枚彼此贊美互相易視時適別有一婦姍姍而來五姨與之相識不暇將戒掉轉五姨即起而與之周旋既復偕往隔座密談某氏偶一他顧忽不見二人蹤影坐待至晚仍未見回雖心訝之然因已戒所值不過四五百金彼戒較巨倍值不止猶不疑其有他詎守候多日五姨竟杳如黃鶴某氏始出其易得之一戒倩人估視實爲贗鼎恍然知爲脫騙亟往寓所根尋則已渺不知其所之矣

●騙大衣

前者余在學友秦伯屏家閒談僕人忽持一權某名刺進秦君詢以何事僕曰據來者云有要事面商請速往秦君曰來人行未僕曰已行矣秦君因權君本其舊東現方爲其介紹某事計日當有覆信故即欲行余不便久留遂同出翌

日秦君來訪笑謂余曰余年過強仕奔波南北亦逾十載社會上種種黑幕余亦知其六七昨竟被騙君以爲奇否余訝甚急詢如何被騙秦君曰昨日權公邀余之事君所知也不意竟爲騙子所騙實在權公並未來邀不知其何由得權公之名刺余至權公處本卽欲返因被權公堅留至晚始歸到家後而余之獼絨大衣駝絨圍巾俱被騙子騙去矣余笑曰嫂夫人何以絲毫不疑而與之曰余向例凡白晝外除雨雪方衣大衣及圍巾而出否則不御也昨余到權宅後因權公未邀本已見疑急思返不得已暫止被騙子於余行後一時許又至余家謂余在權宅晚膳飭其來取大衣圍巾此亦余之向例卽在權宅晚膳亦常事故不之疑豈知竟被騙乎余曰君旣疑何不明告權公秦君曰余不但告明並將余之疑意亦告之奈權公不信乎余聞言粲然記之以見吾國社會之墮落日甚而生計之日困也

●十六元買個媳婦

奉天距站十里紅胡子堡有李某者於去歲春間赴北城經商一年未歸家有痴聾老父及妻妻方二八頗稱賢慧於客冬被騙「卽妻之表叔」接至伊家卽將其妻賣與同屯閔某價洋十六元及今春李某回家詢問伊父伊父痴聾一概不知而李某卽訪詢鄰居始知賣與閔某李某卽赴閔某家要人閔某謂有媒人並手印爲憑李某無法於日前赴法庭起訴不知如何了解云

● 綢莊被騙

某日午後三時許有形似包車夫之匪徒一人至河南路久和綢緞莊向櫃夥某甲謊稱請送湖縐線縐野鷄葛各一疋至二馬路外灘某銀行樓上由洋東選擇該夥信以爲真持貨送往迨至門口見喚送之人果站門首遂隨彼入內詎步登扶梯至中途該匪已預伏同黨由上而下乘該夥不備卽猛力一推將所持細包攫之而逃引領之匪亦向樓上博由旁側小扶梯逸去惟該夥未防及此致被推跌墮地已覺頭昏眼黑後經進出行員上前問詢始知被騙然劫

匪已去遠無從追捕故咸勸該夥雇車返莊再行開單報緝聞該夥曾遭跌受傷云

●一紙書取洋兩角

某日下午有一形似小工者持一函來函爲漢口李某所發函面並書明叨付車資二角余卽如數予之彼乃稱謝而去函內略謂尊大人托買之物刻已寄至滬北提籃橋某煙紙店請飭人去取云翌日余卽乘車往取不料找尋半日而所謂某煙紙店者竟歸無有無已乃詢之各煙紙店亦無一知者卒廢然而返遂發函家中詢問及得覆爲並無托李某買物之事至是余始知已受騙矣緣余親戚中確有一李姓在漢營業惟其名已不能記憶故接函時竟深信不疑此亦騙術中之別開生面者也

●騙縫衣機

住居美租界七浦路粵人黃愛亭因至北四川路向美商勝家公司騙取值洋

一百零四元縫紉機器一部經該公司西人察悉控由美捕房飭探王金茂與一百十三號西探將黃拘入捕房經捕頭略詰一過諭飭押候解送公堂訊核

●裝電燈

江西函云昨有身着短衣形似電燈公司工役在新華旅館口稱姓周在南門外電燈公司供差專裝置各商號電燈該棧棧主乃與之接洽託其備裝電燈三盞周某唯唯承諾並與棧主導其登晒樓環視一周以便接線視察既竟棧主比即着人携現洋一元跟往南門外電燈公司掛號詎料行經協茂源紹酒棧周某翻然變計向隨人手中索取現洋口稱往酒棧內掉換紙洋云云隨人與之詎周某良久未出隨人知其有異乃往內視之而該酒棧內一條通衢大道周某前門進後門走也（查該處前門即協茂源酒棧後門爲成衣店可逕達西巷）隨人歸告棧主始知被騙大呼晦氣不置云寄語電燈公司勿爲奸邪所利用也

●賠了夫人又折兵

南昌一等蕩班陳家桂芳日前接有一九江人自云姓黃乃某機關職員夜度資已如數付訖次晚再往續歡桂芳極表歡迎詎至次早十時妓家同人因桂芳房門虛掩寂無聲息特命女僕入內看視時則王客已去僅妓一人沈睡未醒呼喚良久始蘇然疲倦已極不能興起迨衆人詰問原因據云黃客於風雨後遍身撫摸即不省人事沈睡至今云衆知有異乃清查物件已失銀表一枚金戒指一對金扁簪一支票錢二十餘串該家龜奴劉拐子云該客係是晨六時出門去因當作熟客且姑娘並未跟出故未注意用特表而出之各妓戶其留意焉

●誘拐輪奸

方右卿遣妻某氏投控拐匪錢金寶顧海元兩人將伊十五歲使女子英拐去並被誘至僻靜坟墓上強行奸污旋又領往徐家匯浦東等處售賣未成復又

領往法租界鄭家木橋街錫發客棧內奸宿求請訊究等情詰之錢等堅不承認將子英奸污奉判還押候查明再核在案某日提訊先據包探王銀桃上堂稟稱昨日帶同被告等至客棧中查明實與子英同臥一床請核詰之錢願同供雖與子英同臥一床實係分頭各睡並未奸宿求察原告仍由妻子代到稱子英回家後由婦人察得袴上尙有已洗未盡血痕可証中西官判錢願還押將子英送往醫院檢驗後酌奪

●婦人一再被賣

海州婦人劉王氏昨扭山東人劉得勝至浦東爛泥渡三區警署訴稱氏與劉素相姘識於初次光復時被劉拐至南匯縣境四團倉地方賣與于銀乾爲妻得洋九十元嗣後復將氏長子賣得洋六十元次子賣得洋三十元劉於去年二月間又到南匯誘至無錫賣與某姓爲妾得洋五十元此次由錫私行來滬在陸家渡將劉尋獲扭署請究等語解警正訊據劉得勝供詞狡展堅不承認

前項情事判令轉解地方檢察廳訊辦

●擲包者之變相

本埠某路等處每日清晨薄暮恒有三五流氓眉目清秀衣冠整齊狀似中等社會人徘徊於弄口巷尾苟有機會必一試其欺騙劫奪之手段客之年幼而少經歷者一入其彀中莫不傾囊而返近日且發見二事焉

余友某君近日就婚於滬寓大新街某旅館結婚之前一日清晨因購置服飾路出口善街時有一人急行而前遺一小皮夾於地其人似未覺時另有某甲見之急拾而去又數武失物者返面色倉皇探囊作失物狀急問曰子見我遺失皮夾乎內有重要之物幸見還某甲曰我行我路安能見爾之遺物乎恐捨得者已鴻飛冥冥矣余友目擊其狀心殊不忍微拍其肩以手指某甲意謂此人所拾也失物者匆匆前行亦不之顧復數武某甲回顧余友曰今日運氣真佳子不應告以我所拾也又曰予隨我來我與子當分其所有也余友固好奇

隨之不旋踵而入某里入某里而魚兒上其鈎矣方欲解夾而視失物者忽追來曰我所遺失之物必汝二人拾得也速還我某甲則已藏夾於袖中力辨其無並令失物者自探其囊果無有乃轉而問余友且曰我皮夾中有五元鈔票二紙鷹洋若干枚並黏有囂字印固有憑證也某甲曰子有皮夾乎可出以視之果爲渠之物乎余友初不知二人是同黨也從之余友既出其夾中有十元紙幣三張現銀幾元一一示之乃不轉瞬而失物者劇刦之逃某甲隨之余友大呼急追之忽集流氓十餘人圍住去路咸來問故余友至是始悟雖追無及懊喪而歸此事可謂貪小利者戒

●冒充金琴蓀兒子索詐

過犯劉瑞昌冒充江灣濟良所司事迭次向英界浙江路三十六號四十一號及福致里七百廿一號門牌三妓院內鴉婦陳章氏吳李氏等每家勒捐洋二元大言恫嚇被控捕房飭探將劉拏獲解廨訊押在案由捕房將劉復解卽據

陳章氏等先後上堂供稱被告自稱係已故金琴蓀之子來院恐嚇並勒捐江灣濟良分所捐款騙去洋二元等詞詰之劉供詞推諉中西官核供判劉押候查明再核

●土販騙誘巨貲

住居虹口狄思威路一千二百零七號門牌婦人戴姚氏控土販盛龍生（卽盛老龍）於陽歷去年十二月廿號以兜售煙土爲由在肇勒路八十七號門牌屋內騙去現洋支票四百五十元等情當由捕房派探將陳及關係人林阿林先後傳提至臬訊判分別交保候示在案詎盛保出後臨訊不到以故前由管理交保事宜之二號西探與華探金泉福將山東路三百三十七號門牌愛吾旅館主張和尙（卽粢飯和尙）及徐荆山兩保人逮案請示奉張襄讞會同美領事博君訊據張和尙等同供被告陳老龍現已到堂並據盛代表賚美律師上堂譯稱上星期二因敝律師另有民事案件未曾知照被告致未投案候

質堂上得供以該保人等不應臨訊不到判張徐二人各罰洋十五元充公以儆諭畢即命將被告陳老龍帶案先由中西包探上堂稟明被告兩次避匿及偕同原告戴姚氏調查情形繼由原告戴姚氏投訴去年陰曆九月間因夫病購土熬膏吃食致被騙去洋四百五十元嘉善安久莊支上海泰記弄同餘錢莊十月初九期第二千四百六十號支票洋四百元等語並稱丈夫素有煙癖歷來所食鴉片均由被告購買故與相識云云並據見證婦人吳鄒氏上堂證明當時付款狀況即據同餘莊夥趙燕山上堂聲稱此項票洋係由河南路四十三號門牌信孚莊收去云云又據信孚莊夥葉金良投稱此項支票係小東門大街同昌錢莊付來又據同昌莊夥朱榮和投稱二千四百六十號支票係法大馬路三號門牌廣茂利土棧付來又據廣茂利夥陳安仁上堂供稱前項支票由潮州人林阿林與被告陳老龍來店購買貨物用下云云詰之盛與林阿林各延律師到堂代辯中西官得供判盛另交一千兩人銀妥保餘人退候

訊再核

●皖人遇騙自盡之可憐

昨午後唐永大協同廿五保十三圖地保談土生投上海地檢廳具詞報稱南京人今年六十五歲現在西門外方斜路婦孺醫院附近二百十七號門牌開設洋鐵店生理緣由前在淞滬警察二區充當巡警之祖招生常在民店一帶站崗因此相識不久祖招生即調往寶山縣地方服務迄今已有三年不料舊歷二月初八日祖招生領一不相識之張景壽前來據稱安徽人年廿五歲來滬托祖謀差所遺鋪蓋行李囑代暫寄閱二日張又來取鋪蓋至十四日張一人又至我處聲言鋪蓋遭祖騙去以致身無分文一日不食飢寒交迫向民借去大錢二百文而去迨十五日下午二時張坐在黃包車上停在婦孺醫院門首圍觀者如堵民亦上前觀看知係張景壽急向詢問伊云因病欲入醫院就醫但該院定章只醫婦孺因此民不忍坐視代伊雇車送至仁濟醫院求治當

據張稱因被祖招生騙去鋪蓋誓不欲生故將紅色火柴吞服自盡等請民據情報告醫生給飲藥水並未吐出毒物當時出院同赴二區警署報告奉諭着民領回家中醫治不料延至昨晚八時張景壽即氣絕身死爲此協保至案請究等情林廳長委由李檢察官沈檢驗員等前往蒞場驗得張委係服毒身死填格判令棺殮發厝壇暫厝候領云

●哈爾濱之大騙案

哈爾濱當滿蒙交通之要衝亦中外商務薈萃之焦點五方雜處良莠不齊歷年市面上所演之活劇千奇百怪令人不可捉摸現在又發生絕大騙案詳誌如下

有吳某者專以高買爲生其同黨中有楊子榮李壞水王子祥等七八人日日盜換金砂煙土嗎啡等貨其手段最高被騙者亦至夥日前又盜換郝文山金砂羌洋一萬餘元現已到案其詳情係山東有郝文山在租界內設立一酒柜

去春擬歸家因羌洋之價值過低遂零星收買金砂三十餘兩本擬携回家中變買旋爲他事纏累未能如願相償現在之金價按羌洋而論似較前略漲故又擬出賣事被王子祥聞知王素與郝相識立赴郝處問有售金之事否郝據實以告王言已有至友欲買金砂若干約定次日來觀次日王遂偕吳至將價值講妥金砂共計三十三兩價共羌洋一萬一千餘元吳謂晚間來取貨比至晚吳王又至將金砂包好（只此一包將原貨已經盜換其手段之高如此）聲稱欸未湊足俟明日十二鐘貨欸兩交由此一去遂杳如黃鶴郝大疑啓包視之已成一包廢鐵矣越半月之久吳在租界被郝闖遇當扭交陸軍營（租界現在之崗警全係吉林陸軍充當）經陸軍執法處轉交濱江縣訊辦刻已堂訊二次吳則一口咬定盜換者爲嗎啡并非金砂冀開脫其罪將來尙不知如何結局也

如上所述其手段雖高其法猶不甚巧妙若輩又在秦家崗盜取紅皮煙土十

二個其戲法弄得最妙係秦家崗某客棧住有一土販吳等爲作購買狀價既講妥將取貨時賣主將吳王二人領至後屋之內將土盡放於座上座中有三人監視實在無法盜換吳遂謂王曰欸尙不足汝至某處再取款若干王出見院中有劈木柴者王陡向前曰我替爾劈幾根卽將斧奪去僅劈兩斧卽倒地口吐白沫不省人事劈木柴者見此人貿然而來忽現此狀大爲驚惶急呼人出救座中監視之三人忽聞院中喧鬧齊伏窻上窺視吳趁此隙將土盡行盜換又僞裝伏窻窺視大驚曰此吾同夥吾使其取款何病倒於此茫茫然謂賣主曰吾先將吾同夥送至某醫院醫治回後再携欸前來取貨遂雇一馬車載與俱去

諸如此類不一而足聞被其騙取者共達二十餘萬元若輩均伏處於華界日均與官場暗通消息質言之直養賊以害民也

●絕無僅有之姦拐案

▲女子服藥詐死

▲男子開棺僥逃

德惠縣警察二區界東江灣屯富戶李占一家道殷實有女名蓉子年二十一歲頗有姿色不安於室與族兄李永恩有染珠胎暗結腹漸澎漲女恐失敗私與永恩磋商永恩謂某國人藥舖中有一種麻藥服之神經麻木與死者無異死後三日即復活卿如服此藥家中人必以爲真死棺殮葬埋屆時吾再開棺與卿潛逃爲偕老之計如此辦法既可以保全名譽又可以遂吾二人私願最爲妙策女允諾遂如法泡製假託有病私服麻藥卽一瞑不視李見女既死即備棺成殮因冬間地凍不能入土厝棺屯外空地當晚永恩即潛往開棺以冷水澆女面女即甦醒同回家中小住一二日精神復元擬攜行李同往張家灣車站乘中東車潛逃至雙城縣下車至鄉間尋覓房屋聲稱夫妻二人擬至某處開荒妻身懷六甲勢將臨盆不便行路遂租屯民張萬昌屋居住未及一月該女卽生一子永恩川資告匱又無處借貸居月餘棄女逃去女舉目無親而

又呱呱在抱不能爲女傭謀生陰曆正月二十九日遂託人捉刀函告其父李
占一備述去冬詐死一切事情並言現在雙城飢寒交迫性命不保等語李閱
信大駭往視女棺其中果空空如也遣人至永恩家探問言永恩去冬出外迄
今未歸李知其女來函不虛父女情切不忍置之不問即着人前往將女領回
聞該女回家大罵二哥害我不止蓋其所歡永恩行二平素呼爲二哥也此種
姦拐案情節奇離變幻不測洵可謂絕無僅有矣





苦力界之黑幕

●江北劣兒攪煤炭

本埠虹口一帶爲江北劣兒之集合所對於往來船隻多發生騷擾每見裝煤之舟經過其間輒有多數劣兒齧集船上作種種之糾擾使舟上人有顧此失彼之累偶一不慎劣兒故將煤塊拋入河內所棄之煤多大而且重者船中人因舟行吃緊不能與之校一俟潮水退去之時彼輩即將河中之煤拾取求售于人噫此亦所謂妙想天開之攪物法者歟

●假香肥皂

業此者多半小販中之奸滑者流以朦混斯人爲職志例用二人互扛篋筐置無數假皂于其中裝以火燒未燼之紙匣安頓馬路之旁作賣叫物狀其皂多用香水塗其上鄉人過其旁者多使其嗅之售價既廉香味沁人受其愚者携之歸去詎知乃一普通肥皂而已

●小車夫

小車夫專以推載行李什物爲業滬上營此業者夥矣其中惡劣份子凡裝載之物動輒私自偷竊縱爾百般防備終不能絕其弊竇尤以食物爲甚願閱者注意及之

●賣餛飩

賣餛飩有何黑幕之有試一述之當知非謬言也餛飩之原料人咸知爲豕肉其上焉者爲雞肉小僧祇知以利是視豕肉之外叅以鼠肉食者固不能辨別涇渭而售者則有利可圖吾鄉賣餛飩者有此弊竇然窺破實非易也

●拾字紙

敬惜字紙乃一種慈善事業然肩字紙筐者則不然敬之一字置諸腦海之外其收字紙也往往時在清晨彼輩往往乘人不備攫去什物不幸捉獲則又以誤拾爲言其居心實不堪問矣

●買箔灰

業此者滬上大有其人他埠則鮮少焉聞此輩之弊竇凡遇售主見其可欺者輒將箔灰用手法一秤輕重此中精華不知不覺中遂被其羅掘以去然非其人不敢行其術鑒貌辨色全在搬戲法者之手段耳

●賣花傭

春事三月百花齊放賣花傭手提花籃夾里小巷東攢西竄高聲喊嚷以謀什一之利此固正當營業也詎滬上之花傭大反厥狀每夕燈火初明之候酒館茶肆賣弄風騷俏皮笑臉向人兜售浮滑者流見之多方輕薄若輩多抱金錢主義大有來者不拒之勢賣花也賣身歟殊爲可哂

●梳頭傭

梳頭傭自其表面言之固屬苦力界中一份子業此者大半別有兼攝非然者必具一種陰柔手段專在姨太太蕩婦門下討生活沾此惡習者十居八九撮

合拉皮條爲之唯一職志俗云三姑六婆不可親近然歎然歎

●黃包車夫

黃包車夫之罪惡真有誅不可勝誅之嘆若輩在勞働界固業之最苦者終日奔波人視之如牛馬稍一不慎即觸犯捕房條例純謹者固屬可憫狡滑者流往往出以惡劣手段以欺坐客或用鉛角以求掉換或裝作不聞不問要求加資最甚者莫如通同作弊串竊坐客飾物尤甚者竟有勾通匪類以作殺人越貨禦人于國門外之舉此皆若輩歷歷可稽之黑幕非砌詞架語以彰其罪戾也余庚戌赴試入都途過海上寓居二洋涇橋某棧不識途徑出入皆以車代步某夕觀劇畢雇車回棧車資地點言明不悞詎車未抵棧即促余下車余以爲尙未至也車夫堅執不可余無法乃囑拉至說明之址當酌加車資始得返寓雖未遭意外之虞然已受其給朋輩中丁君受此給者已不啻一而再而三曰四矣

盜賊界之黑幕

●賺醫勒贖之結果

醫生莊振家某日被黨人哈在田即哈志農等設計以延醫爲由騙至法新租界長浜路愛仁里九號門牌禁閉勒贖洋一萬元逼莊函致家中囑令妻子措洋四千元送至法新租界愷自邇路長安里十四號門牌前樓交付莊妻情急央同居之諸宏錡至法界探詢當爲探目沈德福得悉帶同包探任水揚潘瑞福梁有寶等哈在田並同黨唐雲生即唐英生董忠良等三人拘獲帶入捕房並將莊振家吊出解經法公堂研訊先據原告莊振家聲訴被騙禁閉勒逼情形判候改期訊研各情已誌各報某日經聶讞員會同法副領事德君升坐特別刑庭提案研訊先由法捕房捕頭稱在哈在田家內搜出照片多張向哈質問哈稱半身之照片實係孫強夫之照尙有合拍之照片立者爲尹神武坐者爲夏次岩卽夏爾嶼等語今將照片呈鑒又據與莊振家同往之諸宏乾訴稱

是日我隨莊同往愛仁里九號上樓後被伊等分別禁閉是實詰之哈在田供年三十一歲南京人在廣東軍政府辦事此次奉命來申勸募公債莊振家由伊親戚張彭飛前來報告稱莊財產富豐可以票勸伊購買莊自己允購若干張由張彭飛代起信稿給莊書就寄出惟當時並無網縛將手槍恐嚇之事是實詰之唐雲生供浙江人向業錢莊長安里十四號之房屋由張彭飛前往租賃囑民冒稱萬姓在彼候信至傍晚時被拘是實董忠良供前亦在民黨辦事現已脫離爲地皮掮客住居法新租界南楮家橋新五福里四號門牌哈於去冬爲地皮生意相識是日與哈同行被拘是實又據包探潘瑞福稟稱董在捕房供明之處包探已經前往查過並無董之住所請察中西讞員卽飭包探前往調查去後據該探回復稟稱董與翁姓同住現翁已聞風逃逸中西讞員會商之下簽判哈在田押西牢五年唐英生押四年董忠良押三年期滿一併永遠逐出租界

●破獲攫搶匪徒之窩窟

(南市小客棧之黑幕)

專在公共租界新世界及法租界之大世界等處乘男女遊客出門時糾黨搶攫金珠飾物銀洋等贓之匪徒均攜贓質押化用後四處避匿經公共捕房偵知該匪等以匿居南市華界某小客棧者居多前日由老閘捕房捕頭派中西探至淞滬警察廳稟稱請加派偵緝隊士赴南市十六鋪小客棧搜拿當即派出隊士周根瑞等至新春福客棧內搜獲楊阿生邱東來吳興保王阿桂張阿桂袁金桂婦人王李氏即錢氏及蘇州女子朱三因等八名口正欲帶回警廳爲崗警所見即將一千人帶至該管第一區署由董訊辦

●三十六個黨之索詐

▲竟向司法官廳施故技

▲可謂目無法紀之尤

三十六個黨並青帽黨各匪徒全體共有一百數十名凡遇城內外業戶起造

或翻造房屋者彼黨中必往索取陋規否則用強攫取水木各料此等惡習早經受害者稟准滬警察廳先後嚴拿懲辦在案不料若輩愍不畏法辦者雖辦而犯者仍犯此次上海地方審檢廳自奉諭遷往利涉橋南新造新廳辦公其看守所則雇汪森記作頭拆卸建造所有舊廳旁舊第一看守所水木各料應當運往新廳爲建新看守所之用某日各工匠正在舊所拆卸之際忽有該匪黨二三十人由小金寶爲首突向該作頭勒索洋四十元否則舊所內水木各料應歸我等弟兄所有該作頭得悉大駭急投地方廳秘稟林仲立檢察長大爲震怒立派法警四名馳往按名緝拿乃小金寶等各匪黨知事不妙早已去如黃鶴該警等回稟林廳長仍命督同各工匠前往押拆該匪黨如敢再來滋擾立拿解究

●賊史

日前城隍廟豫園有一華服少年雜人叢中觀江湖把戲比排衆而出途人皆

駐足視其身後而笑少年大疑環顧衣履始知所著灰鼠皮袍之後半幅已被剪去矣少年大窘欲索剪絀者又未能指認爲誰祇得色喪神沮雇車過返昨遊大世界見劇中有一二八之姝倉惶擠出而觀客叢中之男子指手劃脚猶指此女郎之背影而罵客爭詢其故男子曰彼女初近吾身即乘勢以手腕觸吾衣袋我覺有異疾以手探之則彼之手已在吾袋矣幸未竊去貴物故數批其頰而縱之否則必將交捕究辦也客多不信此婉妙女子竟爲扒手咸嗤爲妄男子大憤解其衣襟以袋示大衆則袋縫之綫半已斷裂并州剪之新痕猶宛然在也衆始瞠目稱爲罕見

又某君前自新舞臺觀夜戲歸將上車時突有一西裝男子向某君脫帽致敬且伸手欲與某君握某君急還禮且握手而察其面貌乃素不相識者西裝男子道寒暄殊謙恭數語後鞠躬而別某君途次思索終不識其人爲誰旣而舉手忽大驚蓋適間相握之手本御有嵌寶戒指今已不翼而飛矣方悟個男子

非善類然已鴻飛冥冥矣

●驅劫儲蓄票

商人邵玉書家住滬城登雲橋迤西小木橋畔在北市開設股票營業公司生理某日下午有身穿華服口操北音年約三四十歲之甲乙二人到邵處聲稱家主爲政界中人現欲購儲蓄票一千元特命貴公司取票盟往家主處交易等語邵信以爲實遂搜買儲蓄票共得七百元之數相約偕往直至某路迤西某宅甫經入內即有多人將邵扭住各出手槍兇手嚇禁聲張將儲蓄票及鑽戒一枚及衣袋中現洋一併搜去

●劫物得還

常熟至上海向通小輪一夜可達某日余父由常來滬輪舟抵埠時方味爽携大小皮包各一雇車往麥家圈至惠中旅館雙扉緊閉不得逕入乃探囊出小銀幣一枚令車夫找回車資不料回視車上小皮包已不翼而飛余父固久居

上海個中消息頗知其詳乃急携車上之包狂奔而追但見一影穿入某弄遂不辨其真偽緊追不已且追且喊幾近矣知不能遁棄包於旁余父以足踢之覺甚滯重拾包視之鷹餅二百枚固無恙也氣喘而返車夫曰先生真佳運吾未見有劫去而能奪還者也此事一因余父足力健二因無同黨故也

●剪徑打悶棍之流亞

匪徒湖北人夏雲祥某晚糾黨在北海路仁壽里攔截行人蘇嘉善去路袖出手槍嚇禁當將蘇身穿狐皮馬褂一件剝下連同頭戴貂帽及身畔現洋十元並劫圖逃經蘇狂喊遂爲老閘捕房包探張炳成與一百八十四號西探行經該處因即幫同將夏雲祥一匪拿獲連同原贓帶捕昨晨解送訊據中西包探上堂稟明要求展期開審俾得着手調查曾否犯有他案云云中西官核稟判夏押候查明再行訊究

●對買賊

蘇城金閨中市大街商店林立爲城市富麗之區而先以綢緞鋪最爲發達五光十色花樣新鮮時髦男女趨之若鶩昨電燈開時某綢緞鋪來一妙齡女郎身衣厚呢大衣入門嫣然一笑某夥友年少風流一見急忙招待殷勤獻媚詢知來意欲購華絲葛也女郎揀選多時殊少當意繼而勉強着定數正付下定洋三枚云明日尙須另購他料一并來取今朝天色已晚不克久坐於是匆匆轉身面出女郎去後某夥友收拾散亂之料忽內中最重兩疋遍尋不得始悟女郎乃妙手空空之徒祇得自認晦氣擬賠款了事詎知店東得訊不允所求將某夥友退職以儆

●車夫竊鈔票

公共租界天津路二十一號門牌某錢莊包車夫海門人朱阿四即朱增昌因於去年十一月二十三號竊取鈔票洋五千元逃往漢口等處當經該錢莊經理馮楚翹報捕飭緝未獲業經總巡捕房特別機關華探目陳雲忠偵查得朱

阿四現已潛回海門以故稟明捕頭請廉備文前往海門會同該管地方官設法將朱緝獲當搜出原贓鈔票洋八百元及金戒十一隻金表練一條於某日迎提來滬解入老關捕房捕頭詢明屬實諭飭押候解廉懲辦

●剝衣裳

公共租界福建路小普慶里一帶近爲雉妓叢居之所流氓匪徒亦羣集其間某星期六晚十點鐘時有身軀肥碩狀似外省客商者經過其地被匪徒數輩以巾蒙面拖至黑暗處欲剝其灰鼠皮袍馬褂及手上所帶之金戒指幸附近雉妓院女傭出外購物瞥見即大聲狂呼該匪等始行釋手逃去乃隔三十分鐘後若輩除潛行聚集有某妓院傭婦復被搶去金戒指一枚往來要道竟敢行劫真慙不畏法矣

●攔路虎

某晚九點餘鐘有王姓少年行經福建路小普慶里弄底突被匪二人攔住去

路袖出手槍嚇禁聲張遽將身上所穿之皮袍褂一套剝却飛逃經王喊捕不及當即據情投報老閘捕房請爲派探查緝

北浙江路七百八十二號合盛押店主陳盛記於某晚十句餘鐘行經美租界阿拉白司脫路被匪徒三人攔住去路嚇禁聲張當將陳所穿值洋五十元之皮袍馬褂及現洋十餘元一併攫剝而遁經陳尾追不及遂據情投報該管捕房請緝矣

●老賊何來

(司帳者慎諸)

蘇州護龍街德安里某宅某日出殯弔客紛紛其子平時求學他鄉所有父執素未謀面來賓一概由親友招待及至酒闌席散靈柩出門帳房中正擬開銷六局(各行執事之稱)箱中所儲銀洋遍索不得盡已不翼而飛於是司帳之人急得面無人色紛鬧多時方悟一小時前曾有一白髮老人身衣湖縐皮袍

在帳房中閑坐披閱禮簿一手在棹下啓箱取去（箱未下鎖）急招此人已不知去向遍親戚故舊咸云確曾見此老人並曾與其同席飲酒者客散尙在帳房中徘徊未去但皆不識此老姓名箱中之洋定係此老攫去計被竊去鈔票一百元現洋三十一元此某月二十日實事也寄語凡有婚喪喜慶之家司帳之人百忙中不可不注意及此

●白無常攫布之趣聞

某日之夕約八時許有一西鄉村民攜帶本色土布十二疋來滬覓售行向龍華鎮南首梅家橋地方忽有頭戴白高帽身穿白長衫手持雨傘一把俗所稱爲無常鬼者自橋下田中突出似有追趕攫拿狀路上預伏鄉人二名聲稱無常鬼來快逃該村民見之果大驚棄布而奔偶一迴頭見二鄉人已與無常鬼接談始悟爲假鬼行劫者遂向龍華西南註紮土地祠軍隊報告軍隊即帶同村民伺於要路移時該二匪果攜帶布包及裝扮無常鬼之行頭自南而來遂

一併拘獲押送該管第二營營隊訊核

●皖人嚇詐巨款

同寓法租界貝勒路十號門牌皖人蔣作新葉龍聲杭州人宋祺蓀等在公共租界天津路振泰客棧二十一號房間內組織機關用吳平名義七次書寫恐嚇信函遞送漢口路十一號門牌中和洋行希圖向買辦宋季生敲詐洋五千元經宋密報總巡捕房特派華探目黃潤甫包探尤阿根協同念七號西探朋山將蔣等先後拿獲拘解公堂訊押各情已兩誌本報昨由捕房傳同事主宋季生見證徐仲英將被告押解到廳奉關職員會同英領卓君訊據工部局刑事檢查科代表牛門律師上堂陳述案情並將原告收到被告書寫恐嚇之信函七封及被告被捕後搜出未曾發出致原告信一封呈案請究並據原告宋季生投稱我在中和洋行充當買辦多年陽歷正月一號起迭接恐嚇信函均有吳平具名其詞非常激烈有索借五千元倘不照付難保不與與夏粹芳等

同一結果一說我閱函後並不恐懼繼而作一復信交郵局遞送被告寓所現今捕房已將原函抄出迨於某月二十二號被告蔣作新與葉龍聲來行當與絲棧式老夫徐仲英接洽詢我送遞信函曾否收到我之用人遂用電話報告總巡捕房派探到來待將其兩人拘獲請究又據徐仲英上堂供稱被告蔣作新葉龍聲與某月二十二號早十句鐘時來行詢問買辦何在我即答以他出被告即詢我七次致宋先生函曾否收到所商之款若何我與被告敷衍數語未幾即由捕房派探到來將其兩人拘獲是實又據西探目海明惠(譯音)上堂稟明將被告蔣葉二人拘獲後盤問口供繼在天津路振泰客棧二十一號房間內搜出未曾發出之恐嚇信函及用箋與遞寄原告之信箋同一式樣至翌日復在法租界貝勒路十號門牌屋內續獲蔣同黨宋祺蓀一名後經調查此案係宋祺蓀爲首云

乞丐界之黑幕

●丐頭

丐頭爲無賴中之手腕兇狠者雖曰縱橫流民界非有一種特殊勢力不能壓制若輩此輩黑幕凡遇民間婚喪喜事彼必預先知曉先期到門說妥以若干資包庇一切免無乞丐搔擾之事俟喜事完畢之時留下殘羹敗肴分給羣丐以作佈施羣丐雖明知彼上下其手以獲厚貲亦無有與之爲難者

●捉蛇

捉蛇者流大都爲乞丐界中人所專擅業斯者必先懂治蛇之方備製身旁苟有疏忽始不致有性命之虞用此術以行乞與脚塗猪脂令人討厭俾生恐怖之念同一用意據老于江湖者云若輩生於是亦多死于是事近不經却有至理焉

●托鉢

沿門托鉢乞界之最下者也此輩裝腔作調往往類一死而未死之人任爾百般凌虐終不能揮之使去苟值無人之際若輩多作順手牽羊之舉不可不慎也

又乞丐中每有行乞鄉間攪來雞畜之類無法烹調輒用黃泥裹之用火蒸燒一俟熟時毛泥均脫而鮮鮮雞肉較之用釜烹調者其味且香此據老江湖者言局外人多不之知也

●乞界之化裝術

乞界中亦有用化裝術裝啞作聾扮神弄蛇無奇不有尤有脚塗豬脂裝成一副李鐵拐態度狂叫亂喊令人討厭爲博取乞資之天開妙想法此種技倆素見不鮮政海多幻境不獨乞界亦有此弊

●逃荒

逃荒一舉立法之初固甚善也詎個中良莠不齊騷擾地方時有所聞長江上

下游每年常有此種流民奔走其間以潯陽鳳陽兩地人之居多不特窮而無告者乞食長途卽富而小康者亦牽連受此風塵勞苦蓋不如是必不能安厥居也余鄉素號膏腴之區每歲冬間輒有彼輩居跡結羣而來大有源源不絕之勢鄰村楊姓非聚族而居彼輩見其人丁單薄往往有施野蠻舉動門外草木多被其偷刼事屬微細不願交涉祇呼負負而已嗚乎逃荒者養齊成流民之實地練習所也

●英語乞丐

某日(星期六)予偕友王願二君遊邑廟適由九曲橋下尾隨一丐喃喃曰密斯脫做做好事哉賞賜窮人一個考半買碗粥吃吃窮人前頭也讀過潑刺買老愛而里頭現在拉俚做倍勾求三位密斯脫賞賜一個考半予友因不勝其擾探囊出銅元一枚給之使去

僧道界之黑幕

●黃天教

▲誑騙錢財

▲姦淫婦女

昌圖縣出現黃天教妖言惑世茲經確實調查該教之宗旨純係謀財叛世八卦白蓮一流而張半仙則一勸教者各處遊說收羅弟子以備他日圖謀大事其勸教法除邪說外男子封爲侯伯女子授以嬪妃於是逐臭者大有其人不僅昌圖一隅外如錦州崗窰嶺吉林凌煙閣溝幫子等互相通氣其總機關在奉天租界地內借外人之勢力以作他日不測時之潛身處至于在本邑傳教之時專以姦淫婦女誑騙錢財爲目的今舉兩端以證其實有劉小辯者本市井之無賴因誤聽邪說故入彼教詎日久查其法師之行爲可鄙乃大違入道之公理一日早間見法師與一女童同臥帳中行醜事劉某大發雷霆請除彼入教之名號否則定指官府捉拿教主以好言相慰曰凡女子皆屬於陰非補

丹不能陰陽合研成仙汝可不必聲張予當將你入教之香資錢加倍奉還劉某始謾罵而出因之傳聞於外聞者莫不捧腹再有曹子恒者滿欲成仙故以多數之金錢標名於花名冊上日後見教主之行爲非屬正道心頗反悔然亦無可如何嗣經教主將其家產騙罄曹某憂憤成疾於去歲竟忍痛長逝噫妖言惑衆之蠱賊若使之久存於世則恐我無資愚民皆被其蠱惑矣

●真是個佛門敗類

鎮海山北海鶴寺住僧志寧不守清規每以行醫爲名買囑佛婆四出播揚以致病婦咸往醫治而該僧見美貌婦女必勸令在庵住宿百計獻媚或用強迫手段每有被其姦污者上年有黃某之女本許配范姓因被誘引私通迨范姓察知不願迎娶該僧即出錢挽人退婚自此任意往來二十夜該僧往續舊歡經過富室王炳貴門首爲王姓族人所見大加譏笑該僧反口辱罵互起衝突次日又唆使黃德善妻女與王炳貴尋釁適炳貴岳母抱有三歲幼孩德善妻

女大放其潑幼孩受驚得病越日而殤王炳貴已向縣署訴請蒞驗如該僧之淫惡亦所罕見也

●爲鬼攝影

(研究鬼學好資料)

頃友人自綏遠來云有李某者習符籙之術能於夜半驅遣鬼神供其奔走如牛馬然又能使已死亡魂拘之入室一如生人但不談笑耳照像者郭某素與之契渠婦死二年矣思念彌切今欲一觀其冥中情況謀諸李欲效漢武帝招魂李夫人故事李有難色固請之不得已乃約於某日赴其家覘其施術至期郭如其言潛挾攝影快機往夜闌李乃杖劍躡步作種種狀態居無何果見燈影搖颯烟雲微茫中現一中年婦人一如生時郭亟起攝之鬼倏忽而渺旋視照片則見鬼影模糊略分眉目而已餘均茫然相與嗟嘆而返按鬼之有無誠數千年來之大疑問頃聞西人倡有鬼之說研究已有成效然則如茲事所傳

亦未可以爲誣，函錄之以供研究鬼學者。

● 歛錢新法

（道士妻設孤仙堂）

有住居蘇州觀前街之李某，原係三清殿道士，光復後其妻某氏忽在該處設立孤仙堂，一所聲稱大仙附身，能知人之禍福，又能醫治疾病，各鄉鎮愚夫愚婦咸往求仙治病，以故門庭若市，每日所得贏餘不資，李既得此儻來物，終日在外揮霍，並在熱鬧之區，藉孤仙爲名，向人遊說，未識該管警區亦有所聞否。

● 淫尼

粵垣尼姑不守清規，送暖偷寒，蓋已司空見慣，年來尤甚，淫賤娼妓不如城內仰忠街蓮花菴，蓄比丘尼十數輩，類百麗質，韶齡爭自修飾，故客之喜參歡喜禪者，恒多於此。問津尼更勾引一般蕩婦，至菴以結客歡，由是該菴遂竟成爲淫虫俱樂部。邇者尼更妙想天開，在內開設賭博，日前爲警廳偵緝隊查悉，特

即會合警察往捕當場拿獲尼姑蕩婦計共十四口一併押解返廳提訊畢概發拘留所押候懲究聞擬即將該菴查封以警效尤

●尼姑堂子

嘉興風俗愈趨愈壞茲有一種良家處女以及似娼非娼之艷婢並有雉妓日在旅館嘻笑勾引侑酒稱觴無所不至種種怪象不可紀極至土娼最著名者如北門外之辜獨美張家弄之平湖老四章阿巧及嘉善小美香珠等數十家一般登徒子趨之若鶩呼朋引類醉酒徵歌麻雀撲克日有數桌餘興後兼可吞雲吐霧熱鬧異常其次則觀音堂及送子庵之年少庵女塗粉抹脂宛如青樓忘將佛地當作巫山淫風如是殊非地方之福願有維持風化之責者亟宜取締也

●利尙暗語

(禿驢不安本分)

客有自鳳陽來者言該處有一名人善書畫名震遐邇假某寺爲臨池處寺僧無賴某甚鄙之某日僧來具言城內某某所藏之中堂甚佳秀麗如出水芙蓉某某所秘之對聯甚靜樸余思羅而致之某大驚以爲和尚有道人也稍敬重之後詢於寺僕始知和尚所言之中堂蓋城內某紳之閨女也對聯某之髮妻也某大怒告於邑紳遂逐出和尚云

●叫魂靈之結果

(迷信者鑒諸)

聞北寶山路某里楊某前日因病甚重延醫服藥均不奏效家人窘急束手無策而楊之病又日見沈重已奄奄一息楊母王氏謂楊之病係魂靈嚇出所致故某晚夜深人靜時與小婢二人手執燈籠出外叫魂楊母前呼小婢後應及至回家將冷水一碗焚以黃紙澆於楊某面上謂病人如遇冷水必驚然後魂能由頂門而入歸還原位不料楊某因體虛力乏忽覺冷水澆面驚而大呼啊

胸渾身發抖未及天明已一命嗚呼噫世之好迷信者其鑒之

●圓光術

(比靈魂攝影尤奇)

徐班老靈魂攝影事論者皆以爲奇謂亘古以來未之前聞不知圓光亦靈魂學之一種特僞託者多而眞者殊難得耳前有一友來自杭垣爲言杭有某翁新賦悼亡思念殊切會有術者謂能圓光乃於某夕召至家中欲一覘亡者之究竟其人先以白布一幅懸之壁上焚符誦咒畢謂翁曰世之操此術者多矣但惟令兒童視之舉所見以告予術不然翁試觀之必有所覩但他人則不能見耳翁如言屏息凝視初覺輕煙淡淡籠罩布上繼則隱隱見有人影髣髴一老佛婆手執串珠作誦佛狀術者曰此尊夫人前生也苦修數十年故今世得生富貴家試再觀之轉瞬間忽見亡者珠冠霞帔出與家懸之影像略無稍異然如電光石火一瞥即逝術者曰幻相而何可久漢武帝之重見李夫人即依

此術試更觀之已而見一襤褸婦人懷中紉一嬰孩行乞於途狀甚悲慘翁大愕及再視之則寂無所覩術者曰此嬰孩即尊夫人後生也十年後尙有一面之緣以下之事非翁所宜知亦非翁所忍覩也翁聞言知必無良好之狀況嗒然氣沮因言亡者生前並無過惡何墮落至此術者曰佛氏有言欲知前世因今生受者是欲知後世果今生作者是吾何知焉斂具謝翁而去友之言如此予訝其不經謂必誑言而友則堅信不忘予則姑妄聽之亦姑妄誌之

●聽妖言拙夫棄妻

▲可恨腐儒無聊賴

▲竟假神道間家庭

本埠某虬壇係一班無聊之輩假設扶虬施行騙詐其種種害人情形不勝枚舉某日晚間某虬壇在壇扶虬係著名之王右筆孫左筆二人掌筆裝神作鬼謂係陳搏老祖臨壇一般迷信家紛紛卜問休咎前程虬筆一一判答其對於西門某糧棧店主陳某則謂其妻有外遇恐不利於己陳以係神語信之歸家

後即休書一紙詳錄神語僞稱妻父有病雇車將其妻張氏送回娘家永脫關係現張氏因實無外遇誓不承認已遍邀親族理論恐難免涉訟法庭假虬以離間人夫婦誠不知是何居心云

●和尙出風頭

自西新橋迤西本爲一般操神女生涯者之盤踞地每當萬家燈火時候巷前里口鋪面燈光萬紫千紅不啻成一賣淫市場於是一般狂峰浪蝶以六零六爲後盾者故意身入其境攝手挨足直至羣雌粥粥橫拖直拉則報之以笑昂然直入翌晨販得楊梅歸去雖悔已無及矣雖然常人姑置勿論不謂我於所謂四大皆空六根都淨之佛門弟子中竟亦親睹得一幕活劇誠趣乎其事矣星期日之晚記者步往三馬路某堂事事過西新橋身已入區域線內放目四矚則見形形色色個中情景我不欲污我之筆更不欲瀆讀者之目當時肩隨我行爲佛門弟子年四十許禿其頭而僧衣帽則整潔甚口中金齒燦然一

望而知其爲一好修飾之徒行行重行行忽探手出一物架諸鼻樑是何物一黃色之玳瑁邊托力克在常例言之僧人殊不應有此雖云近日海上人士十有八九以之爲出風頭先鋒而必備之然佛門弟子究不能與常人比也心竊異之乃留意察其舉動僧行步至緩身左右擺且好擠入人叢中故意接近人身擦肩而過我益知其不懷好意未幾而果然彼所謂佛門弟子者居然手搭一雉妓之肩迷眼鬢送須臾乃見其更擁入黑暗中去自後所作記者雖不得而知然讀者更不待我言矣嗚呼罪過罪過我不知我佛如來讀我此文將作何感想也一笑

●民國之妖孽

(白蓮教後裔)

日前有人摺呈湘潭知事云竊查有周桂九者湘潭西鄉人幼務農不務正業鴉片牌賭無所不爲經充劉鎮台護兵隨至福建雲南等省與白蓮教餘孽頗

有相識因習其妖術厥後回鄉以砍茅度日光緒三十三年湘鄉同風五都有蕭玉成者曾從軍甘肅晚年回籍既苦無子嗣家復遭火因得癩癩之疾乃自疏於者終身食素懺悔前愆病中讖語能言未來遠近婦女頗信之因有從之食素者周桂九亦是於時揚言辟穀四處募化騙人財物蕭玉成既死周乃自稱福海道人聲稱已身受瑤池金母引度有大法力引誘四處良家婦女爲弟子建一菴於湘潭西鄉上十七都上五甲七里山鋸木托地方名曰白蓮菴明其爲白蓮教徒也婦女入門後便願居宿該菴置家事於不顧且月繳多金於周周騙得之款不可數計現在聚集婦女不下百餘人均因之破產日與膜拜菩薩口說天話時而說有真命天子出現時而說民國必亡寔而引及寶慶益陽醴陵湘鄉婦女來者不絕於道男女雜坐全無羞恥僉言其有妖術能畫和合妖水四境人士迷信者均懼妖崇不敢明言正戶人家相戒勿使婦女出門然私赴該菴者即又不肯回家因之人心惶惑家庭均受其影響時形動搖倘

不急加懲辦更嘯聚痞徒或且出于搶劫地方害且不淺茲特縷述情形摺請貴知事立派警備隊密至當地將該妖道周福海拿獲到縣監禁一面將其所收容婦女勒令開葷各回原家合縣感戴云云該縣龍知事接摺後即派警備排隊長易德風率隊八人馳赴該地拿辦矣

●寡婦偷和尚

湘南常德某姓宦裔而零替者娶媳某氏雖出小家頗具大家風範姿首既佳雙鉤尤纖不盈握嫁楊不三載即如文君之新寡上祇一韓姑氏乃毀妝去飾無半點脂粉氣日以長齋繡佛爲事家有傭媪一平日既不見男客亦不晤親友故衆莫不以節婦目之一日夏夜既深氏與其姑俱入室安睡惟傭媪患暑尙納涼於庭階忽聞其室中有二人私語聲異而覓壁隙覘之不覺驚駭欲絕蓋見氏粉白脂紅露其全體坐一胖和尚之膝作種種狎褻態傭媪驚極而呼則室內燈光驟滅翌日傭媪入遍視無男子迹見氏裝束樸素如故心大奇述

其事於韓姑姑不信夜往不復得見逾數日傭媪潛挾韓姑再往則果如前狀旋洩其事於夫夫聞斯語奇之往詢於韓且願洞悉其姦韓姑不知所措姑從之越數夕候僧在內破扉直入氏改妝不及惟僧失所在媪夫再三推尋突見床下地板有不相續處乃力揭之見下空洞有隧道階梯厯厯可數於是約其友秉燭而進達百餘武始見上升之階級巔有覆板牢不可啓取刀斧力鑿之呀然而關上升至一室乃李姓佛婆家也其間已闕無一人細軟亦不翼而飛至此始悟和尚從李佛婆家鑿秘密隧道直達氏之寢室而每夜作巫山之會人久之偵和尚與佛婆不得而氏亦與其姑徙室遠避矣官惟將其房舍充公而塞其隧道此爲庚戌年間事是案初破之日該郡人士空巷來觀遠近喧然無不詫以爲奇或謂此事之引水入牆原是其韓姑之過蓋其素性接佛常挈氏往各寺焚香許愿不知暗中已爲某淫僧所垂涎故作此鬼蜮伎倆耳斯言諒哉

賭博界之黑幕

●賭窟交際員

▲一張名片

▲三聲賞光

口界殺牛公司對門之大賭窟爲海上冠一閱月輸贏輒以數十萬金計日來有知其內幕者宣布其狀況於某小報局中人大恐慌委託拆白黨黨員朱老口爲交際員四出運動（朱即別號口口阿四前與林黛玉拚識托林運動爲張勳之秘密偵探者後林負情逃去未回）記者某日訪友某小報社適朱正在與編輯同人交涉某編輯員不屈朱乃出其柔軟手段下心低首懇求以後勿再登載因出名片一張口稱賞光……賞光……賞光……某編輯員領之始出嗚呼海上怪現狀真可謂無奇不有

●賭場中之徽章

陰歷新歲以來英法租界之滑頭營業機關紛紛開設賭場計有二三十家每

晚至上燈後利用一般拉局幫閑之人四出招致賭徒約計每處每日平均有
四五十人生涯極爲發達各賭場收入大約每夕每處自三四十元至千餘元
不等而獲利最豐者除殺牛公司左近之老賭場外當推四馬路某某菜館該
菜館於各賭徒由拉局者分發一種徽章用四寸長二寸寬之紅色或黃色緞
製成爲長方形上書某菜館招牌加蓋中西文圖記一顆有此徽章者可以入
內聚賭如無此徽章闖者卽嚴詞拒絕此亦賭博中之新發明也

●文字詐欺取財之新法

時屆夏歷新年各種賭局隨時叢生如擲骰子推牌九又麻雀等各地皆然不
足異也若吾皖垣之押字韻一種賭法亦謂之押詩寶他省所不多見者斯法
由一般無業文人所爲法取詩一句中遺一字或兩字外則另配音同義近者
五字由與賭諸人猜之其遺字應爲第幾字則押第幾韻若猜對以一賠三然
此種詩句多取材於小家著作市上書坊所不常見者而詩句又多失腔落韻

句語不通故鮮能猜中某日有某機關中人在城隍廟內押此詩寶未一日竟輸去三十餘元頓時大發雷霆以爲此種以文字詐欺取財若不嚴加責罰其遺害於一般腹無詩書之小民正未有窮遂令巡警曳之去彼仍強不之從而某竟出手鎗衆觀者皆失色某甲無如之何遂從之去聞已定爲詐欺取財徒刑罪云又聞某甲乃某機關之稽查員不知然否

●設局誘賭新法

蕭山義橋上首新壩鎮有無賴倪某平日在鄉非藉端敲詐即設局誘賭前曾犯案懲釋近聞嚴某因查禁嚴厲不敢明目張胆開場聚賭乃託名嫁女於某月五日起九日止設席遍請同鄉實則密設賭場引誘鄉愚牌九麻雀白心寶等色色俱全通宵達旦輸贏甚巨鄉民被誘者實繁有徒似此局賭害人豈該鎮警察竟充耳不聞者

●女賭從祕事記

▲姊妹兄弟之互噬

▲十三歲牌九師父

▲老賭精出場幫忙

上海長浜路貝勒路左近張公館之七奶奶日前竟開設賭場拉攏一般親戚女友等賭博聞者均以爲奇而不知七奶奶固有用意也

七奶奶之三弟顧立人今歲賭博大捷計勝一萬餘元立人之兄洞風向之借款不允因而懷恨洞風遂勾結七奶奶設立賭局引立人來賭欲於其中取利此七奶奶開設賭場之由來

牌九師父渾名小柴爿者年僅十三齡在此道中素稱手段靈活顧洞風本與之不相識實由拆白黨潘山新小球二人所介紹初小球借洞風洋四百元向索無着適有七奶奶設局之事洞風遂托其介紹牌九師父即以前欠爲分潤小球托之潘山新於是介紹小柴爿往開賭之後立人固負及輸數百元而立人覺遂停止賭博然其他博徒不覺也于是七奶奶顧洞風目的中之人竟脫鈎而去繼其後者若女賭徒畢老四六小姐等均連夕大負計輸四五千金迨

事後潘山新以介紹小柴升之力竟未得分潤頗不滿意事爲老賭精祥生等所聞爲畢老四六小姐大爲不平遂與顧洞風交涉將所得之款悉行退還而七奶奶與顧洞風所設陷人之計畫白賠一番辛苦仍舊一場春夢耳

慈善界之黑幕

●冒名慈善行騙術

本埠美界有德興坊有某慈善事務所者一騙錢機關也其法係用一種印刷品詳列各種慈善事業如設醫院施棺木建立孤兒院組織工廠等偉大計劃備載無遺分送外埠各機關各團體其最足中人肯綮者如以金表飾物等贈品另印鴻福券附于其間使投資者既不作功德又有金錢利益實爲一舉兩得之策創此者爲三五無賴金錢到手隨即用去內所有贈品概歸無何有之鄉爲日既久馬脚忽露好事者流將其西洋鏡鑿穿向官廳控告三五蠹賊遂捉將官裏去經官廳一再審訊証據確實乃分別監禁以示儆戒從此十里洋

場遂少一害羣之馬此事發見於去年冬間海上各報皆有記載諒閱者必能記憶也

●也是慈善家

揚州高某者不仕不商不僧不道戴一副假面具往來滬上搢紳家鼓其如簧之舌淆惑聽聞辛壬之間有所爲佛教會者高某周旋其間可謂無微不至旋得某君介紹得與某園西席相見自此過從無虛日爲積旣久高某之名遂彰癸丑春間竟得園主青盼得常駐園中該園女主本爲佛教徒園中供奉僧徒頗多高某三方周旋儼然爲第二園主附己者拔之違己者毀之遭其攻擊者頗不乏人卒以園主信佛之念頓疏高某遂假資園主遠去名曰赴五台訪禪其以後則不知其所之若高某者藉信佛爲謀生活者也其機械巧妙大非常人所能企及

●果仁堂

新申報記者鈍根君紀果仁堂一則特錄之如左其文云昨得雲南董嵩生君來書云前呈數函諒邀青及又蒙垂愛在滬爲嵩吹噓感甚感甚夫秋果仁堂寄下天津水災募捐一紙因滇處邊隅風俗素欠開通竭力勸捐始得數金當即由郵匯上不料原函寄還據云該堂被巡捕干涉曹君離滬云云(下略)鈍根按此書甚奇突吹噓云云鈍根百思不得果仁堂之事尤爲茫然此中恐有假託情事願董君更將詳細復我

●慈善家之書畫券

本埠某界有某某堂者一慈善機關也以給藥施材爲事業主其事者三二戴假面具之慈善家其實乃若輩之養老院堂中開支每年頗屬不資而受其惠者實不多見其人私囊所入較之施材給藥費遠過之此項機關既無恆產以資其揮霍又鮮督察者以核其出入有限金錢無窮支給不免有不敷之虞二三仗此謀衣食者流勢不得不謀募款之方以資挹注於是遂有所謂彩券者

亂人耳目矣其贈彩法一如彩票彩品則爲名人字畫值洋若干炫耀于人名稱既佳贈券之途既廣外埠各機關各團體受其欺者不乏其人然購券者大半真正講究博愛濟泉之徒縱被欺騙亦鮮有與之交涉故若輩黑幕鮮有人道破年來不知被何人攻發爲官廳查究幸手腕靈敏未受刑法之痛苦自此以後則不敢再設此圈套亦一幸事也

游民界之黑幕

●無恥男子向人敲詐

鎮江人朱子凡前在長浜路四百五十二號門牌屋內向印人露嘉恐嚇圖詐欺騙取財被控捕房飭探張盛全將朱拘解公堂訊押在案某晨捕房將吳解解麻奉中西官復訊據原告上堂譯訴前情請究詰之被告供稱原告屢將我鷄姦是日曾向伊借款云云問官得供以朱子藩無恥已極判押西牢三月示儆

●族祖槍族孫女

(王集生色胆如天)

吳興茗字四十一莊草田灣孀寡王美英姿色嬌艷貞靜可風不料近爲族氓王集生仗乃兄吉生充當里正之勢力遣作媒證恃爲輿援日前竟糾合二十餘人擁入強搶聞該婦與集生係祖孫女美英知風逃至庚村姑母家暫避乃復被集生逞勢追至庚村蠻將該孀姑母沈氏強推跌仆磕傷膊足以致該孀據情控縣聞集生業已將案旁牽硬扯嫁禍於僧觀榮希圖脫離已罪不識將來專審員若何判斷吾人且觀其後

●西崽強姦幼女之薄懲

新聞威海衛路十二號半門牌某西人家住宅內十六歲西崽湖北人張榮生前將同鄉婦人黃陳氏九歲幼女黃二誘至洋台上強行姦污下體受傷經氏報捕飭探朱子藩將張拘解訊押各情已詳各報後由捕房傳同事主將張解解奉關讞員會同美博副領事訊據原告黃陳氏投稱某星期六我代女兒洗

衣見褲內血蹟淋漓詰問女兒始知被張榮生強姦所致因此報捕拘究並據黃二到堂證明被告將我誘至洋台旁扯去小衣用手將我口塞住故不能聲張致被姦污是實又據九號西探目斐斯蓋潑投案稟稱自黃陳氏至捕房報告後我與華探朱子藩前往將被告拘獲當時被告一口承認故將黃二送往醫生驗明屬實有驗單呈案請究繼中西醫生到堂證明驗得張與黃二下體均有重傷傷單內已詳爲叙明請察詰之張榮生俯首無言中西官得供會商之下以此案攸關風化本應按律嚴懲姑念被告年輕從寬判發改良所習藝三年以儆效尤

●影戲場中之情書

余於日前與友人某某君同往虹口海寧路維多利亞影戲園觀影戲迨散戲後因人多擁擠余擬與某某君俟他客先出然後再行正言談間忽瞥見相離三四座遠之座下有白紙一方摺疊已縐因觸余好奇心遂急前檢視詎知乃

赫然一男子與女子之情書也且附有七言絕詩三首函末署名者係海珊二字女子名係淑華但不知爲何等樣人耳茲將該書原函錄後以供衆覽原函如下 吾至愛之淑華妹如吻瀟上握別忽爾經月渴想芳容自深一日三秋之感回憶客歲相逢彼此情投一見恨晚故歡情所極或載月以飛觴或迎風而泛棹窗前者茗細談衷曲真所謂只愁更漏短那畏雪霜寒自僕抵舍後不知何人奮其長舌 短我於家 君遂使襄王有夢魂繞曹陽阮籍窮途足羈荒徑儂紅倚綠他日或遂其珠聯雲散風流此時難卜乎璧合但相知有素自貴情投何須叙首恐妹懸望特修片言以明此心非學王魁之薄倖也僕俟各事辦清後大約於暑假左右或可返瀨先此奉聞臨楮神馳不盡所言春寒襲人向望珍重加餐書達希惠瓊音順此並祝

閨安 不才海珊免冠二月十九日

●拆白黨之美人計

夏某者拆白黨中之健將也凡屬青年墮其術中者不知凡幾矣今夏有吳興人蔣某因事來滬輪車之中相與訂莫逆交蒞滬後乃寓居其家出入必同親逾手足一日至繡雲天遊覽將出影戲間遇一美少婦嫣然一笑秋波送媚一見心醉况蔣某係色中餓鬼覩此絕代佳人得不拜倒石榴裙下乎於是乃委夏某介紹取金戒贈之作締交品夏本彼黨中人見蔣墮其術中喜甚囑蔣至法界某棧十三號候之約半時許夏與少婦果至矣推婦入夏遽他去自是蔣之目的乃達惟該婦用度甚奢僅好合半月而五百金已擲諸虛牝一日復一日囊囊漸空婦知之促蔣使修書達父僞謂營業失敗請寄下千元以濟眉急否則所創之業有倒閉之虞蔣父信之不三日而千元之匯款至矣迨後少婦與蔣親愛逾密願托終身蔣信甚遂結婚焉乃賃屋於西門外某某里燕而情好令人羨妬一日蔣外出路遇同里某君各聚闊別及偕至別克登西飯店叙餐復至某游戲場游玩鐘鳴一下始各分道而別及蔣返叩門偶觸一物審視

之則鐵鏈也蔣心知有異乃至夏處探訪不遇詢諸鄰一家老者謂之曰先生誤矣君尙不知夏之拆白黨耶君所娶之婦蓋其妻也彼二人所設之局已非一次於事前所不告者……語至此忽聞屋中呼曰時晚矣盍睡乎老人應聲而去蔣始悟懊悔無地無顏遄返乃投浦而死嗚呼慘矣

雜錄

●磨鏡子

磨鏡黨者蓋兩女同榻裝置一種特製器具而能人道者也始于清季盛行于近年其中黨派各立門戶並無一定機關又無黨魁等稱譽大抵視感情上作用爲集合之點自名義上言之固爲姊妹行其實際則有不可思議之境此中人多樂而忘返究其所以此不疲之由實非外人可能縷指該黨人物往往舍最親愛之夫婿于不顧甘願兩雌並立互結不解姻緣局外人以其無觸犯法律証據亦不便干涉長此不已十里洋場生育當日益減遞據知者云該黨黨

員以妓界佔居多數姨太太亦不少其利益維何咸曰既免生育痛苦又得曲盡快樂一偏之見姑誌之以告世人

●殺人團

殺人團爲萬惡不赦之機關團中組織以包辦殺人爲主旨苟得其代價蒙其允諾雖赴湯蹈火不辭事成受賞事不成則獨任其咎不作枝葉之攀繫黨徒佈滿中外各埠機關秘密非局中人不得其門而入言前年本埠某報宣洩秘密後現已將機關部移往南洋某埠其黨徒則仍散處各地欲與之接洽不若從前之容易焉

●拆白虱

拆白虱卽拆白黨之代名詞也上海一埠爲該黨之出產地據某君云該黨團體極爲淆雜無有統一機關綜計厥數不下數千人衣裳楚楚面傅雪花粉作奇異之狀態者非真正拆白所謂眞拆白不在乎形迹間也有陳某者執該界

之牛耳年前因案逮捕監禁後聲名遂一蹶不振該黨之聲勢遂不如從前之盛云云

●和尙台基

余述和尙台基讀者必疑余爲譏言蓋信而有徵確鑿可據者矣

泥城橋畔有某僧組織俱樂部於此間一切規模純如清淨佛地初無稍異之點惟旁其鄰而居者厥有三四麗姝此中蹺蹊不言而喻但極守秘密非局中人不得其門而入宗廟之美百官之富亦不得見主其事者爲大名鼎鼎之某住持年已四十許矣金錢之丰裕大非泛泛者可比出則三灣鋼絲車戲場游戲場常有該僧蹤跡好奇之士不難訪而得之至於六根和尙之徒乃個中之不幸東窓事發被人攻擊者也若該僧者則手段通天不特無人知其隱私且皆奉爲高僧云云可怪孰甚

●飛疔瘡

裁贓陷害爲偵探之慣技入民國以來此輩布滿要地羅織無辜誣良爲匪無惡不作枉死城中不知冤抑多少怨魂一家哭一路哭而彼則升官發財嬌妻美妾左擁右抱南面王不如也以他人之生命爲一己之利益其罪誠不容誅矣有楊某者贛產也辛亥光復以刺斃幫匪某得爲李烈鈞所信用一躍而爲某縣知事二次革命李氏失敗彼又爲袁項城作偵探有某要人者袁氏下令通緝久而不得之人固與某要人素通往來者至是乃施其賣友求榮手段將某要人捕去獲賞萬金後爲黨人偵悉將楊某置之死地此亦可謂天理循環者矣

●特別賣國奴

賣國奴冠以特別二字其人必奸險狠詐爲人所訾罵唾棄之徒滿清末年此風甚熾入民國以來尤不堪聞有某老者清末之鉅僚也曾筦理某部政務民國之初復參預國政袁氏稱帝逢迎不遺餘力袁氏死後復又倡反對之調高

談法理政局累更彼之飯碗問題終根深蒂固不致搖動現仍盤踞要津若而人也無以名之名之曰特別賣國奴

●雙料蚌殼精

蚌殼精即老蟹之代名詞雙料者譏其淫蕩無行極鄙褻之穢事兼而有之也妓界中有號稱金剛者淫名早已播于國中現已年屆大衍其淫行仍未稍殺兩年前重張艷幟於某里雖曰途窮日暮倒行逆施具不得已之苦衷其實醉翁之意不在酒欲遂其朝朝元夕夜夜花朝之目的耳最可鄙者假女某已雀屏中選該妓見而羨之竟將女婿據爲己有可憐面如傅粉之何郎爲此老蟹禁錮高樓不使出巫山之會夜以繼日不數月竟至不可支持雖未一命嗚呼作枉死城中色鬼然而半身不遂已獲終身之疾余書至此余心滋慟世之淫蕩成性若該妓者誠絕無僅有者矣

中華民國七年五月初版

中外黑幕叢編

每部二册定價大洋一元六角

編輯者

上海 鋤奸社

印刷者

上海 鋤奸社

總發行所

上海 北浙江路
德興里 鳴報編輯所

分發行所

上海四馬路震亞圖書局

代售處

各大書局

上海圖書館藏書



A541 212 0018 49798

中國通志

卷之...

中華書局

...

623058

上海舊書店

內 2
0.40